

宇多天皇事記 史料

特31
918

001562-001-6

特31-918


史料

宇多天皇/事記

M17

ACB-4133





史料卷之四

宇多天皇事記第三起寬平元年正月

寬平元年己酉仁和五年四月廿七日改元

正月大癸巳朔

巳癸四方拜事

公事根源抄云四方拜といふ事ハ元正の寅の時にすへらき属星を唱へ天地四方山陵を拜し給ひて年災をもはらひ寶祚をよいのり申さる儀にてはへるにや清涼殿の東階のまへ砌の外に御屏風を立めくらむ其中に御座三所をまうけ其前にあら木の机を置いて香花灯などをそなへ此所にして御拜の儀式ありこの事いつはしまるとも見えす仁和五年正月寅の刻に天地四方属星山陵を拜し給よと宇多のふかとの御記にのせられたれとも濫觴とい見えす按年中行事秘抄年中行事歌合江家次第抄爲二年然諒開期至去年

十四日丙午男踏歌復承和例事

年中行事秘抄云仁和五年正月十四日踏歌記云議者多稱踏歌者新年之祝詞累代之遺美也歌頌以延寶祚言吹以祈豐年豈管縱樂遊於管絃惜時節於風景而已哉宜依承

和事實以作每歲長規

年中行事抄云廣相卿傳云仁和五年蒙勅造撰踏歌記一卷件記仁壽以後四代中絕不行今年尋承和舊風始行之

十六日申戊大納言良世等任官事

公卿補任云大納言正三位藤良世右大將正月十六日轉左近大將中納言從三位源能
有民部卿正月十六日兼右近大將卿如元按歷代皇紀爲廿六日一代要記
帝王編年記古今集目錄爲此日

十八日庚戌太政大臣基經奏壺切由來事

扶桑畧記云正月十八日太政大臣奏云昔臣父有名劍世傳斯壺切但有二名田邑天皇
喚件劍實陰陽師即爲厭法理土于時帝崩陰陽師逃亡是見鬼者也而不知劍所在彼陰
陽師居神泉苑爰推量其處掘覓得此劍令覽者是也光彩電耀目驚霜刃還納室按西宮
之而不注日

江談抄云壺切ハ昔名將之劍也張良劍云々雄劍ト云ハ僻也云々資仲所說也

是月內宴事

管家文章聞群臣侍內宴賦花鳥共逢春聊製一篇寄上前濃州田別駕忠臣花不含靈鳥不言
知春爲政調寒溫幽溪轉感求賢詔古木方驚養老恩望鶴晴飛千萬里思梅艷發九重門

壹香低翅風莎地爭得時來入禁園按內宴北山抄爲廿日公事根源抄爲廿一日而皆云
廿日廿一日互有其例又有非子日而猶用廿二三日者未詳其故

田氏家集奉酬讚州管使君聞群臣侍內宴賦花鳥共逢春見寄什未堪芬馥應綸言豈是
籠禽詩思溫南郭檣楸初著艷北山傷雀擬酬恩君魂花發馳官掖我意鷗飛到海門可惜
翰華兼綵鳳逢春不得共林園

西宮抄云仁和五年正月朔太政大臣送朕書曰內宴陪膳古跡以采女爲奉仕之而先帝光孝
令更衣陪膳令問古老采女等自奏之若先更衣復舊用采女按小野宮年中行事爲去年
可有此事仍今從本書

嵯峨皇女仁子內親王薨事

一代要記云齋宮仁子內親王嵯峨帝第十女大同四年卜定仁和五年正月薨

類聚國史云大同四年八月甲申定仁子內親王爲伊勢齋五年四月戊子遣使於伊勢太
神官告定齋內親王之狀也

日本後紀云弘仁二年八月辛卯齋內親王禊于葛野川諸司陪從如常九月乙未齋內親
王入伊勢諸司陪從如常

類聚國史云弘仁十四年六月丙戌天皇御大極殿獻幣帛伊勢太神官爲停定齋內親王

也接傳仁子
定氏子

皇胤系圖云仁子內親王伊勢齋母女御大原淨子

二月小 癸亥朔

八日庚午右近大將能有補檢非違使別當事

公卿補任云中納言從三位源能有正月十六日兼右近大將二月八日使別當如元接歷
代皇之紀同

二十日壬午勅減服御常膳事

管家文章寬平八年勅云朕去仁和五年二月廿日服御常膳務從省約所司准舊四分減

一朕心不嫌心慮無再慮願舉塵露之積將成禮節之知云々全文在
八年

廿八日庚寅參議直兼刑部卿事

公卿補任云參議正四位上源直二月廿八日兼刑部卿接一代要
記同之

三月大 壬辰朔

六日丁酉直子女王為齋院事

一代要記云齋院直子女王接皇胤紹運錄源氏系圖河海抄為其子帝玉編年
記歷代皇紀齋院記貴女抄二中歷藤中抄同本處文德孫惟
彥親王女接系圖及紹運錄為惟條
女或為惟喬女共誤也寬平元年三月六日卜定

河海抄云孫王為齋院例真子內親王文德孫王中務卿惟彥親王女孫玉例此一度也

十三日甲辰以伊勢國飯野郡被寄太神宮事

類聚三代格寬平九年官符云應以伊勢國飯野郡寄太神宮事右郡依去仁和五年三月

十三日勅一代之間奉寄彼官云々接神宮雜例集又載此
符全文在九年九月

廿四日乙卯踏歌後宴事

文在四月
十九日

四月小 壬戌朔

十四日乙亥始行當宗祭事

年中行事秘抄云寬平御記云仁和五年四月十四日乙亥朕外祖母當宗氏神在河內國

自今年可祭始之狀仰畢又世記云寬平五年四月七日戊辰是日始奉遣河內國志紀郡

當宗氏神祭幣帛使國司一人專當其事使食薑等並用國正稅永為恒例當宗社天皇外

祖母之氏神也接諸社根源記神名帳頭注又載此二說然寬平五年四月無戊辰仍今從
初說又接小野宮年中行事為去年年中行事抄即緒年中行事等並為此

年

公事根源抄云當宗祭四月十一日是ハ河內國に侍る神社也午日使九つ杜本當宗ハ程

近き故に獨の使兩社の為に下向す宇多御門の御外祖母ハ當宗氏なるによて仁和

五年四月十四日に祭をばしめ行はる

世俗淺深秘抄云寬平法皇御外祖母氏神在河内國所謂當宗社也仍自仁和五年被祭之或說曰實御母儀也御母儀中野親王女班子女王由雖記之其年齡頗不可然為後見如此雖註實當宗氏女也大概見寬平御記歟按中宮班子年譜書皆誤說在第一卷

延喜式云河内國志紀郡當宗神社三座並大月次新嘗

十九日庚辰殿上賭射負能事

小野官年中行事裏書云寬平元年三月乙卯御記云依有踏歌後宴之事出御射場獻菓本條子魚鳥類召式部卿親王太政大臣左大臣右大臣右大將源朝臣按察源朝臣左兵衛督光朝臣右衛門督諸葛朝臣前美乃守貞恒朝臣右兵衛督是貞朝臣右近少將敏行等陪斯宴遊殿上侍臣等皆次第更射而後分配前後令射孔方募御衣一襲絹二裏而太政大臣室王孫又以任韓書本、卷女衣裳一襲為賭只書本為朕賭朕即中所期之的員待書本朕所募之物光朝臣射得太政大臣室御物無敢得者于時彼室就事每在尚侍曹司同年四月庚辰後方變其所負盤前方念人式部卿親王太政大臣後方念人朕左大臣而始小童子等進舞十數觴後與酣感深公卿等更起呼舞天下倚賴者太政大臣仍喚饗之朕者不然是故同呼氣昔深仁明草聖帝內宴之日起舞又歌吹笛今日朕起舞者蓋其比也云々小舍人

源敏相舞骨可稱仍賜之祿又太政大臣息忠平齡始十歲為納曾利舞騰躍迅逸節不錯違又賜祿云々

廿三日甲申清和皇女包子內親王薨事

一代要記云包子內親王寬平元年四月二十三日薨

尊卑分脈云包子內親王母中納言行平女按皇胤系圖為諸藤女帝王編年記為貞宗女三代實錄皇胤紹運錄同本書

三代實錄云貞觀十五年四月廿一日乙卯勅曰朕以涼德辱此守文待化未孚於豚魚用心徒形於拮据唯深蒼生為子之德不嫌益斯則百之福而今心事因養男女繁昌當分茅土之重多致帑藏之費寤寐頻愁神魂罔措若涉洪水而无舟楫但弘仁以降載遺蹤或作親王或為朝臣尤是損上益下之義屈躬利物之道知朕之不德仰慚前良因願頗變舊章惣為源氏然而事當師古義貴宜今故其不獲己者擇之以為親玉唯須其後一世早停王號即賜朝臣以即國家之經典頗加公謙之篤情又其號親王者同母後產並同畫一尸鳩之深患以一恩施司牧之至公猶從義割但冀枝分若木高下共春派出天潢深淺同潤昔告遐邇令知朕意是日賜親王八人源氏四人中略皇女包子母在原氏參議左衛門督行平之女為親王

廿四日乙酉賀茂祭事

小野宮年中行事云仁和五年四月乙酉辰四刻鳴祭使左近少將友于參入便令歌舞云云然近衛府所歌舞極以冷淡仍喚殿上人等更歌舞酷之至多過他日即賜件人等祿各有差

廿六日丁亥令以東大寺修理料內修造四天王像等事

東大寺要錄引新記云仁和五年四月廿六日丁亥勅如聞東大寺例修理料封戶九百烟年中應納調庸雜物其數尤多而四天王像并東西兩塔等破損料所用之物觸類有數非無公損自今以後須仰寺家并造寺所每有斯損勅使檢之後勘知年中用殘不更請用公物便以彼修理料內充用修造件天王像并兩塔料宜為恒例

廿七日戊子改元事

扶桑畧記云四月廿七日戊子改為寬平元年按歷代皇紀為廿四日公卿補任為廿六日代略記並同本書

一代要記云寬平元年己酉四月二十七日改元依御即位也

管家文草讀改元詔書明王欲變舊風煙詔出龍樓到海場為向樵夫漁夫祝寬平兩字幾千年按管家此時在讚別

是月始行杜本祭事

公事根源抄云杜本祭四月十一日河內國に侍る神社也午日使たつ仁和五年四月に祭ハ始るなり

諸社根元記云杜本祭文德仁壽三癸酉公家遣内藏寮使令供奉事祭自此時始之或云仁和五二始之午日使立按本傳或說得之二宜作四

延喜式云河内國安宿郡杜本神社二座並名神大月次新嘗

東國強盜發事

扶桑畧記云有東國強盜首物部氏永等發按此文在改元後仍今繫于此追捕之間己以及昌泰按此文在改元後仍今繫于此

又云昌泰四年二月十五日戊辰奉幣諸社自去寬平七年坂東群盜發向其内信濃上野

甲斐武藏尤有其害御祈也按七當作元

五月大辛卯朔

五日乙未停端午節事

外記日記天慶五年四月十日下云上卿召權少外記多治文正仰云可奉停止五月五日節行幸神泉苑年々日記者文正即奉覽仁和五年日記并年々行幸別日記

廿八日戊午石清水宮震動事

扶桑畧記云五月二十八日戊午石清水八幡宮殿自然震動令神祇官陰陽寮占筮言可

慎大病朕雖誠愚而非法不行非道不言假令犯小罪而不必及大過而有咎害奉憑國內神祇于今無怠况乎元來歸依三寶莫不且夕敬拜而災異頻發可有死徵唯願天地神祇并三寶冥助令保身命御記

元亨釋書云寬平二年五月石清水寶藏震大史筮曰病在聖躬帝曰朕雖至愚頗慎言行况歸三寶且暮修懺縱有微恙不至大故然當咎徵不可逸豫只夫天地神靈證之耳而無

按二年即元年也說
事在仁和四年八月

六月大 辛酉朔

十一日 辛未 月次祭神今食事

西宮記云寬平元年六月十一日神祇官行月次祭云々神今食祭依例於中院可行也而件院諸舍多傾倚仍於宮內省辨備御在所并供神雜事以下日記破損仍行幸之由不明是夏栽瞿麥於禁中事

田氏家集五言禁中瞿麥花詩三十韻并序瞿麥一名巨句麥子頗似麥因名瞿麥花紅紫赤又有濃淡春末初發夏中最盛秋冬不凋續々開析窠文圓縵異彩同葩四時翫好、靡可愛今年初種禁籬物得地而增美雖有數十名花傍若無色香耳但古今人嘲詠知小蓋此花生大山川谷不在好家名處不亦然者何得右薔薇左牡丹前蘭菊後萱草乎花亦有

時人亦有時人臣奉勅而賦之前修之未能去焉詩曰瞿麥花非一移栽供王皇莓苔曾結蔭蕭艾敢同行諸種應相妬頻芸自得常敷芬新禁掖變化舊疎荒春採尖並藥烟舍細葉藏晴霞初寸截晚靄擬分將脆軟紅蘇帶欹垂蠟紫房半陰繁鳳翥斜景射虹梁坐對醜顏客行隨笑臉娘雨添深茜草天深淺蘇芳乍訝簪投地那知細曝場綵鏡風斷織文綺露團章落、琅玕竹通明玳瑁床透簾誇繡帳依砌助華堂暈發施屏畫塵除出篋粧當時駉蝶子每日引蜂王月宇雲飛波星壇醮燎芒形庭看取近清晝翫來長宴步承仙履宸居襲御香繡衣驚奉使錦服念歸鄉接影瑤階合連輝寶幔張其誣推曆記萱護遺憂忘獨餌齊三秀偏憐過九腸似燒任肩暑欲慘未殘霜縱使逢流火還堪送迅商重榮兼繪意異色度炎涼不問洲蘋白誰占縣菊黃薔薇嫌有刺芍藥愧無光比喻心難剛吟題手又忙乾恩迴照甚傾筐莫爭陽

又七言重奉題禁中瞿麥花應詔仙都景色屬清晨瞿麥花開不見塵藥帶飛丹燒有火窠成染絳織無人風疑孔雀搖飄霏雨怪文蛇洗落鱗應是星官天欲曙紅霞圍遶紫微辰管家芳草小男阿視留在東京寫送田大夫禁中瞿麥花三十韻詩云此詩也應詔作之時人重之故奉之于吟之翫之不知其足仍製一篇續于詩草云爾家兒不問老江濱只報相如過好文三百真珠無趾至九重嘉草有名聞詩尋此地凌蒼海花託何人種白雲管劄若

應添雨露吐華將奉聖明君

七月小 辛卯朔

六日丙申在京山僧依洪水餓死事

扶桑畧記云六七月間霖雨洪水東京中餓死者多七月六日丙申下山僧等多以餓死

接又見神皇正統錄和漢合連

十四日甲辰奉為先帝贈孟蘭盆供於諸寺事

扶桑畧記云十四日甲辰主上奉為先帝備孟蘭盆八十具或送御願寺或送西塔院或送

華山寺等

令改正歷名帳誤事

法曹類林云寬平元年七月十四日式部省勘文云勘申非執政三位與同位參議歷名帳事右檢貞觀式云非執政二位者列中納言下三位參議上三位者四位參議上以此案之以三位參議可居同位散位上以前條事勘申如件此勘文注付云式部省年來所進歷名帳以非執政三位居參議三位上骨仲可改正狀而左右執論不改乃申大納言藤原朝臣下宜旨進此勘文今須因此勘文令改正政事畧云式部省勘致仕大納言次第事右致仕見任明存式條而繕寫歷名帳之日誤

以致仕書見任之上須以實改正寬平元年七月十四日大藏香山弘行大丞藤原、寬

平元年見任大納言一人致仕大納言一人正三位藤原朝臣良世 貞觀十九年正月叙元慶六年正月任 正

三位藤原朝臣冬緒 元慶三年十一月叙六年正月任仁和三年四月致仕

十八日戊申奉為先帝贈續命燈油等於諸寺事

扶桑畧記云十八日送奉延曆寺西塔院神護寺東西寺園城寺八幡宮長谷寺等續命燈

一條燈油一瓶殊以絹一疋為誦經布施 按元亨釋書又載之

廿五日乙卯以園城寺為定額寺事

扶桑畧記云二十五日勅園城寺為定額

類聚三代格延喜六年官符云得園城寺牒傳去寬平元年七月廿五日下午治部省符傳彼寺別當權律師法橋上人位益信申狀傳此寺不為僧綱講讀所攝門徒之中年齒為長大慈悲平等諸法勝者以之為旨互為年預令勾當雜務謹請恩裁者左大臣宣奉勅依請 文全在延喜六年九月

八月大 庚申朔

十日己巳與左大臣融御雜談事

扶桑畧記云八月己巳日大臣參內談說之次云陽成院之人厄滿世間動致陵轢天下愁

苦諸人嗷々若有濫行之徒只號彼院人惡君之極今而見之云々又相撲事從柏原天皇桓武御代至今代々天皇皆盡好之貞觀以後寂然無音今聖主不捨之亦不樂乎朕本自筋力微弱而無可敵者今亂國之主而非不日致愚慮每念萬機寢膳不安爾來玉莖不發只如老人依精神疲極當有此事也左丞相答云有露蜂者命宗繼調進其後依彼詞服之其驗真可言也

九月小 庚寅朔

九日 戌 重陽宴事

田氏家集九日侍宴同賦鐘聲並霜應製欲識三危露結光初聞九乳響含涼無煎更怪凝凌早不打還思感致長履著詩家朝葛屨眠驚仙洞曉繡床唯期頭戴陽輝久莫用官鐘應鬢霜

十日 己 重陽後朝事

田氏家集九日後朝同賦秋字何時飲酒不消憂即事重陽是躁求莫厭後朝重勸醉朝々猶醉後朝秋

十一日 庚 依穢停例幣事

西宮記云寬平元年九月十一日例幣依穢停止仍於建禮門行大祓而上不參仍右中辨

季長令行祓事

十五日 甲 外宮遷宮事

太神宮例文云寬平元年己酉外宮遷宮皇御宇自內宮遷宮隔中二箇年按止由氣宮舊式為遷宮式日仍今繫于此日

依御夢被行御八講事

花鳥餘情引御記云寬平元年九月甲辰依御夢有被行御八講之事光孝先帝遷化後諸公子勸力當果行也即任意遊獵不勤此事可謂不忠不孝甚也

扶桑畧記云九月十五日甲辰可有御法事議定太政臣基經大被奏云真言經者華山惟首最圓安然此皆真言阿闍梨也又比叡元譽好於真言并有口辯玄虛心念丁寧也講師惟首

讀師玄虛咒願律師答、頃最圓散華勝延三禮元譽堂達安然安然法師其才高又受大法者也而堂達職掌若不悅耶然七人之中生年廿又夏蔭下也仍所定申耳又大般若御讀經貞觀之代一年四度光孝仁和之時清和無定例今秋永可修之仰尊重感悅若有灌頂

之事除律師他人下蔭者為不可也已上太政大臣詞

廿五日 甲 律師祥勢任少僧都事

東大寺別當次第云祥勢元慶七年十月七日任律師寬平元年九月廿五日任少僧都

是月萬木落事

扶桑畧記云九月萬木皆落按是月落葉不足為奇蓋常葉樹亦落葉或云落葉花之說

十月大己未朔

一日己未事

扶桑畧記云十月朔己未未四刻御南殿就帳內倚子公卿等列座如例云々

左大臣融奏羽蟻怪異事

又云大臣云一日安然法師云近來在雲林院人云蟲蟻々爰出看之其虫所竟東至園地司西至網笠岡北至紫野即羽蟻也不知所由朕答曰極不善之事也光孝先帝欲崩之時有如此之怪今此事為朕所示也

九日丁御讀周易事

田氏家集云寬平元年十月九日御讀周易三年六月十三日講畢博士善愛成把卷奉授別駕忠臣侍讀按大鏡裏書康富記共為去年之

大鏡裏書云仁和四年十月九日癸酉始讀周易廿二侍讀大學博士善淵朝臣受成

皇年代畧記云仁和四年十月九日御書始按御書始代々在幼稚之時帝年既二十餘必非御書始蓋以始讀周易誤也皇代畧記又同新儀式云仁和四年下宣旨於左右近衛陣御讀書間公卿許昇殿者按是不知何書然以年紀同上二書姑附

此于

江談抄云周易上古人以誰說被用哉被命云善淵愛成能讀之云々永貞弟也寬平法皇者受讀周易於愛成給云々

十一日己未令以鑄錢司返抄勘會備中等稅帳採銅料物數事

類聚三代格云太政官符應以鑄錢司返抄勘會稅帳採銅料物數事右得採備中國銅使前權介弓削秋佐解狀併檢案內前司之時以在民身租穀便充行採銅料徵納之間拘留民間不得全取而國偏依出符立用稅帳使雖陳牒事由國會不承引能請令鑄錢司返抄勘會稅帳立用者案去仁和四年六月廿三日符併得彼國解併今採銅所例至于請用役夫料物先注所採半熟銅數送國加實檢然後充行料物而採銅使秋佐牒併不被實檢銅數早速被行料物者因茲國與使執論牒狀再三往復徒為言煩還擁公事仍今所申者役夫料物依先例實檢之後充行為當依使牒不更勘知充行乎謹請官裁者右大臣宣宜准先例勘知所採銅數然後令行料物者今大納言正三位兼行左近衛大將太皇太后宮大夫藤原朝臣良世宣奉勅若依稅帳不會返抄恐採銅之事勤惰難知若依返抄勘出稅帳亦恐行物之國還煩勘出今須役夫料物者依前符行之稅帳立用者依返抄勘之長門豐前亦宜准此寬平元年十月十一日

十五日酉伊勢使發遣事

西宮記云寬平元年十月十五日奉伊勢宮使還向之間忌穢事

廿三日辛光孝皇女某卒事

大鏡裏書引御記云寬平元年十月廿四日壬午雨少降以昨日暮同母妹卒悲傷甚深

廿五日癸未左大臣融奏陽成院御狂疾事

扶桑畧記云廿五日左大臣奏曰一日陽成院君乘御馬直入六條下人家陪從諸人捧持

杖鞭女人兒童驚走或分散或隱竄云々惡主無益於國

廿九日丁亥陽成院沉駿河介某女於水中事

扶桑畧記云廿九日有聞陽成院君有駿河介女子令院人追捕之極陵轍甚憂也以琴絃

面縛沉于水底云々

十一月小己丑朔

七日乙未仲公卿始令進五節舞姬事

年中行事秘抄云寬平元年十一月七日五節舞姬公卿可進之由被仲下云々按年中行事抄為九年

伊呂波字類抄云五節儂師文德天皇御宇齊衡三年丙子始之寬平御時舞姬公卿可進

之由始被宣下

政事要畧云寬平御遺誠云每年五節無人進出迫期日經營尤切今須公卿之中令貢二

人雖非其子必令求貢殿上一人選人召之當代女御又貢一人公卿女御依次貢之而復

始以為常事須入十月即召仲各身在前令用意勿有故障臨時取替比年朕之所煩仍誠

新君

本朝文粹善相公意見云臣伏見朝家五節舞妓大嘗會時五人即皆預叙位其後年々新

嘗會時四人無預叙位之例由是至于大嘗會之時權貴之家競進其女以充此妓尋常之

年人皆辭遁可關神事爰有新制令諸公卿及女御輪轉進之其費甚多不能堪任全文在

四年四月

十九日丁未聽太政大臣基經腰輿事

公卿補任云關白太政大臣從一位藤基經十一月十九日聽腰輿年五十四按尊卑分脈

月一代要記歷代皇紀大鏡裏書為此月共不注日但要記皇紀為聽輿車誤也

聽本康親王等輦車事

又云左大臣從一位源融十一月十九日聽乘輦車出入宮中此日式部卿本康親王同聽

云々按西宮記河海抄古今集目錄為十月據此日有輿輿宣旨姑從本書

河海抄云左大臣源融寛平元年十月十九日初乘輦車按古今集目錄爲九日疑脱十字

西宮記云寛平三年十月宣旨式部卿本康親王及左大臣乘輦車出入宮中者按三年宜作元年

廿一日己始行賀茂臨時祭事

帝王編年記云寛平元年十一月廿一日己酉始被行賀茂臨時祭按如是院年代記和漢合符爲三年大鏡爲即位年一代要記公事

根源抄等同本書

一代要記云十一月二十一日己酉賀茂臨時祭依神託也使右近中將時平

大鏡云元慶六年はかりよや侍りけむ式部卿宮字多の侍従と申しの常よかりをこのま
せればしまして霜月の廿日あまりのほとよ鷹狩よ式部卿の宮より出たのしま
し御供よはとりまゐりて侍りかものつゝみのそこくなる所よ侍従殿たかつ
かはせ給ひていふとうけうにいらせ給へる程よ俄よきりたちて世中もかいくら
かりて侍りしよ東西もたほえすくれのいぬるよやとたほえてやふの中よたふれ
ふしてわなよさまとひひほとに時中はかりや侍りけん後よそうけ給はれハ賀茂
の明神あらはれたはしまして侍従殿よもの申させればしましけるほとなりけり
さてのち六年はかりありてや賀茂の臨時のまつりはしまりけん位よつかせられ
しましよとことそねほえ侍るその日とりの日にて侍りけれハやかてしも月のは
ての酉の日あてハ侍りかこ

賀茂皇大神宮記云天皇宇多たハ人の御時の王侍従とそ申ける冬の比鷹狩と給てあそ

ひたまふよ俄よ霧立てかきくもり行方まどひたまふところハ大明神現したまふ
て王侍従よ申つけさせ宣くわれハ賀茂の神なり當社おれいて冬の祭なくて物淋
しく侍りかハ臨時の祭をたまはるへこの事を申さんためよ只今現したりとそ
仲られける大君此よしまことめしわれよさやうのこのたまひてもなよのせん
か候へき御門へそうもん申へしとありしハ御神またのたまはく思ふやう有て
申なりとて御神ハあからせ給けり當時の御門をハ陽成院とそ申けるこのみかど
ハいさハ御ものくるハしうたはしまして常よそハなることをのみすまこの
み御覽しける關白昭宣公かくてハ世中いかハあるへきとてあかるへさけいさや
う雲客をまねきあつめてさまハ命議ありて二條院ありんかうなハ奉り群臣そ
うと申されけるハ年比の御あわさ王道よたかはせ給ふゆゑよ御位をおろし奉る
なりとありしハみかど此よしを聞しめしあまりの事なれハあされはてくそお
はしましけるそれより小松の御所へまゐりて式部卿の宮を先帝のめしたる御車
よのせ奉り大内へ行幸なし侍りぬ御代坂をさめたまふこと三年光孝天皇と申ハ

これなり御子あまたおはします第一の一品式部卿是忠第二の右近中將是定第三の王侍從その外あまたの官たちおはしけれとも第三の御子王侍從御兄たちをさしこえたまひて位あつかせたまふことこれひとへに賀茂大神官のかねてよりけいやくまじくけるゆゑあらたなる御神託あひたかはすしておもひもよらせたまはぬ御位のゆつりをうけ給ひ仁和三年八月廿六日御歳廿一ふして帝位あつかせ給ひぬ宇多の天皇と申これなりさてこそ御神の御やくそくをたかへたまひすして寛平元年十一月下の西の日はじめて賀茂御社へ臨時祭を奉る關白昭宣公嫡男本院の大臣時平公いまた近衛の中將と申ける時勅使をつとめたまふこのとき和歌を藤原敏行朝臣仲をかうふりて讀て奉りけり千はやふる賀茂のやしろの姫小松萬代まて大鏡ふとも色いかはらしみてくら神馬百人舞人へいさう社頭の儀式あするまで四月の祭りあ相替ことなり

大鏡裏書引寛平元年御記云未登祚之時鳴明神託人曰自餘之神一年得二度之祭只予一度而已其自弘仁始得齋女并百口供奉不敢所怨只極寂寞然秋時欲得此幣帛是所以囑汝也堂侍答云奉幣之事不難也但君御德不堪其勢云々仍十年調備馬十疋令馳又習東舞而選衛府官人之中堪歌曲者爲陪從內藏寮儲幣帛依穢止令藤原滋實與

宮主於彼河邊祓祈十一月廿一日己酉辰二刻走馬并舞人等奉向鴨社以時平朝臣爲使爰時平朝臣於寢殿巽隅設御座預掃部寮立高机於御座東方是幣案也內藏寮進捧幣三裏置案上松尾鴨社上下料也內藏寮置解除物於御座前而令宮主豐宗言曰近衛聞有死人穢雖殊潔瀦而下人等若有觸犯者哉今慎令祓申而令時平朝臣捧幣念願曰朕微下時託宣曰他神明皆一年得二度祭我只一度而已汝秋時當奉幣帛答曰身賤不任此事又答宣曰必富有可任此事之由然則明神託宣徵驗如此即位之年是諒聞也次年卒然有穢不能果行今年僅得奉供所願已足也先拜松尾次第拜之心存彼託宣但件處隘阨仍進男方令牽走馬十四次賜所騎馬毛馬十四匹并衣袴各一襲於舞人令內藏寮穀倉院并後院儲辦所々酒饌子三刻時平朝臣還參曰宇豆腐御幣平安奉畢人々皆被酒而言曰觀者如堵墻車馬不能廻入之後院辦備最一期別當善祿云々
柱史抄云天皇詔旨止掛長岐賀茂皇太神乃廣前仁恐美恐美申賜倍申久寛平御代與奉出給布宇津乃御幣乎官位姓名乎差使氏令捧持氏東遊走馬等乎調備天奉出賜波久掛長岐皇太神平久安久聞食氏天皇朝廷乎寶位無動久常磐堅磐爾夜守日守爾護幸賜天下國家乎平久安久守幸給倍恐美恐美申給波久申年十一月日

十一月大戊午朔

二日己未以攝津國安倍山為陽成院禁野事

扶桑畧記云十二月二日甘南扶持還來云去廿九日申時始到島下郡審問事由鄉人語云太上天皇御此鄉備後守藤原氏助之宅御在所也率若干從卒亂入此宅家人士女或遁亡山澤或逃迷道路氏助之宅無有一人此為狩取安倍山猪鹿也而夜以松火炬時臨暮之間還御此宅但率童子十二人廐舍人二人悉著武裝帶弓矢相分前後騎馬行列云云今日以件山為院禁野宇治繼雄為專當榜示路頭行路之人往還艱難動加陵轅愁吟之甚胸憶何言口

六日癸亥所々虹立事

扶桑畧記云六日癸亥作物所預宮與害大言左近陣在大虹見之須臾消亡人亦見虹飲內兵庫安福殿即是也同時見之計一虹光彩所映見兩所也

廿四日辛巳八幡宮託宣事

扶桑畧記云廿四日辛巳八幡託宣云欲得菩薩裝束并道具等於是奉金銅佛器漆坏壇一前香爐一口咒珠等相添壇供料誦經布施料綿百屯按帝王編年記同之元亨釋書云十二月石清水大神託曰欲得菩薩服色道具勅獻瓔珞香爐念珠等按和漢之

陽成院遊獵宇治鄉事

扶桑畧記云左大臣源朝臣融奏曰臣之別業在宇治鄉陽成帝幸其處悉破柴垣朝出涉獵山野夕還掠陵鄉間如此事非只一二左大臣別業在其鄉又奪取廐馬駟馳原野

廿八日乙酉皇子維城為親王事

日本紀畧云醍醐天皇諱敦仁亭子天皇第一之子也寬平元年十二月廿八日詔為親王年五名二年十二月十七日改本名維城為敦仁按又見皇代記紹運維城要略大鏡裏書等

左大辨廣相毀左近權中將時平位記事

扶桑畧記云廿八日乙酉時平朝臣之母送書尚侍曰左大臣奉勅時平位記已造正下而廣相朝臣主上所命稱非正下而已毀其位記按乙酉原作乙未推干支改之又按時平以仁和二年年叙正五位下其位記文廣相奉勅所作也至于今毀之未詳其故

是月定宇佐官御封雜事

宇佐官託宣集云宇多天皇寬平元年庚戌十二月官符云應先大菩薩御領治田并桑蘭等事右檢御託宣文稱諸國有二種田租田地子田皆有其員而公家分彼田內并民等給我千四百餘戶封其外國々上下浪人土人等以已貯治田等進之自然及數百町之田畠所用少所納物多仍為不費官物以八百戶封奉返公家所遺今六百餘戶封并國々彼

開治田等又有其員今須加府檢知社領物窮未來際勿令致喧嘩之愁垂跡於神道者自
歎領物之妨事者託宣之旨尤中其理自今以後為先官領又本公田之外治田悉為不輸
租田偏一為神領國郡勿方附許一應令入封放豐前豐後日向國封官返抄事右三所大
菩薩御封千四百卅餘戶也而依天平勝寶七年二月十五日託宣以八百餘戶奉返公家
即充造官造寺料所遺封六百餘戶也追年三箇國司入封請官返抄勘會公文其來已久
若不請返抄國司者抑公文有限神事永勿窄籠一應檢諸封鄉作田事右封內之作田須
國使不可入勘然而追年國宰請官返抄勘備公事者檢知封田作否并損否由若有否之
者任先例令國宰憤之令請官返抄但至檢田使撰其人若於用穴鳥之人不可用是以清
淨廉直之人官使相共令行之一應停止住諸封內武藝輩事右檢事情內外封者潔齋之
地也專不可令住武藝之者其由官符旨下知先畢而國司官司等矯飭不加制止遂令致
上毛郡多布鄉封民田部丞澄之愁自今以後雖有年來住人追退他塚非成感犯殺生潔
齋之鄉努勿令交住
是年元子女王為齋官事

一代要記云齋官元子女王仁明孫本康親王女仁和五年卜定
按齋官記貴女抄又載之不注月日疑三月與直子

大神官例文云伊勢齋內親王元子內親王本康親王女在任六年寬平元年○按神宮先規錄同之
定親王年給員事

江家次第抄除目條云親王寬平元年宣旨二分一人一分一人

左大臣融蒙節會日直昇殿宣旨事

古今集目錄仲平公下云承平六年二月八日為藏人所別當不就行列直昇殿宣旨准寬
平元年左大臣

改高野年分試度之例事

東寶記寬平九年官符云承和二年依大僧都空海表准三密法門初置真言年分三人爾
後每年九月廿四日仁明天皇降誕之晨於金剛峯寺試之降及仁壽三年依少僧都真濟表准
大度加三人但不由真濟於神護寺寶塔所試業剃髮之請即傳法阿闍梨與付法證師於
東寺不論前後同共二月以前試畢前三人者改先定日仁明先帝國忌三月廿一日於金剛峯
寺度之後三人者每年四月三日於神護寺度之至元慶六年依權律師真然等牒更下官
符傳金剛峯寺勾當老宿等簡其學業優良心行整齊者相共手署送達東寺持之每歲課
試專盡高野之人不關他寺之眾同八年依權少僧都真然奏狀試度被復南嶽但旁盡三
密之家不限一山之侶仁和五年依權大僧都真然奏狀年分於高野專試度高野之分

然則承和官符之後金剛峯寺試度共行之仁壽勅旨以降在東寺試之歸兩山度之元慶八年之格雖復試度於高野遍求學生於本宗仁和五年之制於金剛峯寺獨試度一門之

俊全文在九
年六月

加元慶寺度者讀經事

類聚三代格寬平四年官符云彼寺牒傳檢案内寺家依去元慶元年十二月九日官符令毗盧遮那金剛頂兩業度者於五大尊前每日念讀不動真言止觀業度者轉讀仁王般若爰寺家亦從去寬平元年加法花金光明等經令摠讀三部經全文在四
年七月

粉川寺奇瑞事

粉川寺緣起云良心ハ大和國內郡大鳥鄉隨逸院の住僧也紀伊國の隅田の庄戸立といふ所よ田三段あり粉河田と名く寬平元年の比本主田をまゐるよ夜半に田をかゝるものあり箭を放て射けるに光を出す驚て見れば芦毛馬なり夜明て其所を檢知するに人の妨かことし如此する事兩三年になりぬ本主恐怖して祈禱のため良心に寄謝す良心事の實否を見んために夜々伺之ある夜墨染の衣着ける僧二把計を妨て粉に荷て歸る良心相共にゆくに高野の政所にて夜明ぬ粉川寺を差て本堂の内陣に入にけり常住僧に子細を問に僧驚て重々を開に御帳の前に潤へる稻二把あり良心不思議の思をなして參籠して因縁を祈念するに夢中に先の少僧來て曰我ハ大悲の大將なり汝ハ真言の行者也故に形を現して顯れ詞をもて示す國中の人をばくくむハ我なり此寺に住して歲尚と彼田ハ國の一坪なり故に上分を妨とる戸立の稻穂のめつらとまにハあらず國中の人民を憐むかため也良心ゆめとめて頼て退出ぬ是により此田に御寺へ上分を獻するなり

史料卷之五

宇多天皇事記第四上 起寬平二年正月盡三月

寬平二年庚戌

正月小 戊子朔

七日甲右近大將能有加階事

公卿補任云中納言從三位源能有右大將按察使使別當正月七日叙正三位

九日丙申令獻四所籍事

江家次第抄云寬平二年正月九日仲藏人所按書殿進物所內暨所堪事之者學四五人

云々若是獻四所籍之始歟

十九日丙午僧正遍照入滅事

僧綱補任云僧正遍照正月十九日入滅年七十五

按元平釋書神皇正統錄為七十四帝王編年記古今集目錄為七十六今昔

物語為七十二歷代皇紀皇胤紹運錄同本書據三代實錄仁和元年賜七十賀之文本書皇紀等為得

八子也 按皇胤紹運錄安世男繼載三人而遍照在第一然續日本後紀以木連為第一子則其非長子明矣慈覺大師傳又為八子仍姑從之

元亨釋書云釋遍昭門下侍郎良安世之子也累葉冠纓早翔羽林俗名宗貞承和帝加近侍寵遇日渥嘉祥三年三月上崩不堪哀慕登叡山薙髮於慈覺之室學互白密又勅於摠

持院受三部灌頂于座主圓珍講靈聞朝野嘗說曰慈覺之資安然之師人品可知元慶三年為僧正仁和帝重昭德望二年賜封百戶又為元慶寺座主寬平二年正月十九日化年七十四

三十六人歌仙傳云僧正遍照大納言正三位良峯安世男昭定家流承和十一年正月補藏人十二年正月七日叙從五位下同日任左兵衛佐十三年正月十三日兼備前介

同日任左近衛少將嘉祥二年正月補藏人頭三年正月七日叙從五位上同三月廿一日帝崩出家為僧先皇寵臣也先皇崩後哀慕无止自歸佛理以求報恩時人感元慶三年任

權僧正天台宗年仁和元年十月廿三日轉僧正按古今集目錄十二月十八日於仁壽殿

賜七十賀太政大臣左右大臣預其座寬平二年正月十九日卒年七十六時為元慶寺座主故

號花山僧正

先德畧名云遍照靈山往來云昭字連火有無事世舉用昭但自筆印信分明用照字

皇胤紹運錄云良峯宗貞法名遍照號花山僧正又號觀中院僧正又號良僧正

續日本後紀云承和十二年正月甲寅授元位良峯朝臣宗貞從五位下戊午從五位下良

峯朝臣宗貞為左兵衛佐十三年正月乙卯從五位下良峯朝臣宗貞為備前介兼少將嘉

祥二年四月辛亥領客使等引渤海國使王文矩等入京遣勅使左近衛少將從五位下良

峯朝臣宗貞慰勞二年正月丙戌授從五位下良峯朝臣宗貞從五位上

文德實錄云嘉祥三年三月己亥仁明皇帝崩於清涼殿丙午左近衛少將從五位上良峯

朝臣宗貞出家為僧宗貞先皇之寵臣也先皇崩後哀慕無已自歸佛理以求報恩時人感

焉

慈覺大師傳云遍照者大納言良峯朝臣安世第八子左近衛少將從五位上宗貞也天姿

溫雅風鑿都閉承和之代尤被寵幸天皇崩後落飾為僧時世高之太政大臣美濃公付屬

大師貞觀五年冬於大師邊始學真言大法金剛界壇供了欲授真言之間遇大師之傾逝

貞觀六年正月十三日別遺書云圓仁雖非其人誓在傳燈爰我遍照大德幸有稟學之望

圓仁不勝隨喜之誠隨求得悉欲奉傳之而命既促心事相違歎息之至筆墨何究伏願遍

照大德照之隨附法弟子安慧大德邊稟學兩部大法助傳我道勿令墜失是深所望也因

之七年夏於安慧阿闍梨受學三部大法所謂仁和之代華山僧正也

三代實錄云貞觀十一年二月廿六日甲寅延六十僧於大極殿限以三日轉讀大般若經

詔授僧遍昭法眼和尚位元慶元年十二月九日乙亥詔以元慶寺為定額置年度三人大

悲胎藏業一人金剛頂業一人摩訶止觀業一人先是法眼和尚位遍昭上表言中宮有身

之日今上降誕之時遍昭至心發願草創此寺自後堂宇漸構佛像以下

類聚三代格云太政官符應以元慶寺為定額置年分度者三人事大悲胎藏業一人金剛頂業一人摩訶止觀業一人右法眼和尚位遍照上表併此寺中宮有身之日今上降誕之時至心發願始以草創自後堂宇漸構佛像新成見聞隨喜道場正備夫增寶祚於長代真言之力也消禍胎於未萌止觀之道也是以奉祈仙齡以此冥助修練之誠年月差積方今皇基肇開萬物荷慶道之將隆幸遇此時謹檢案內依去天安三年三月十九日貞觀元年四月十八日格嘉祥安祥兩寺各置三人年分望請准彼二寺置件年分遠傳兩宗之玄教永為國家之鎮護其試業經書等一准天台宗年分每年十二月上旬特請勅使對讀課試通五以上以為及第即當今上降誕之日剃頭得度但受戒之儀於延曆寺戒壇令受菩薩大乘戒受戒之後更歸本寺於五大菩薩前使止觀業者轉讀仁王般若經真言業者三時念持不斷又為定額寺彌增興隆上誓護聖朝下福利億兆者大納言正三位兼行左近衛大將陸奧出羽按察使源朝臣多宣奉勅依來表元慶元年十二月九日

三代實錄云元慶三年十月廿三日己卯遣參議刑部卿正四位下兼行勘解由長官近江守管原朝臣是善大學頭從五位上兼守左少辨巨勢朝臣文雄少納言兼侍從從五位下橘朝臣春行於西寺綱所策命曰法眼和尚位遍照波東宮之時與始天朕躬賜相護奉仕留事毛有利又殊所念行須御心毛有仁依天殊仁權僧正仁任賜布閏十月十五日辛丑

權僧正法印大和尚位遍照抗表曰小僧遍照言伏奉去月廿三日詔旨以遍照為權僧正難量之恩負蚊背而无力非次之寵在人聽而有驚遍照昔在承和之代給事黃門宿衛青瑣以虛蕞之陋委沐渙汗之膏澤已有日矣及於橋山乍掩鼎湖始遷攀籠髯而不得從仙寫而獨留千行不禁推赤之恩在心万分无益寸丹之慕推性自謂泰金輪而推轂會植宿世之因侍蓮臺而袒肩當修來世之善是故剃除髮髮擯落簪纓委身草萊石泉蕩其塵累晦迹間介白雲知其素心遍照質輕散木厠禪林而不材器類鏤冰斟定水而安蓄况亦齒漸七十性亦昏蒙而今統法務之綱維為禪徒之表的方足銜覲於當年遺笑於後代危同蹈虎懼等探龍止足之分銘心不刊夫求官爵榮耀者人之心也理之然也至於小僧聊有微尚褫珥貂而歸真寧冀策之道脫銀魚而出俗非縻爵之求誓指日河瞻徹星漢伏願俯察愚衷曲許降退則屬纊之日理恨黃墟不任丹愿之至謹奉表陳請以聞優詔不許六年六月三日申戌權僧正法印大和尚位遍照起請七條願下所司按本書載四條然其三條專論僧徒事仍不抄此

類聚三代格云太政官符應禁流毒捕魚事右權僧正法印大和尚位遍照奏狀備今聞諸國百姓每至夏節剝取諸毒木皮搗碎散於河上在其下流者魚虫大小舉種共死尋其元謀所要在魚至于虫介無用於人而徒非其要共委泥沙人之不仁淫殺至此夫先皇至德

永遺放生之仁陽成後主深仁盡除流毒之害按盡當作盡今伏望自今以後特禁一時之毒殺從三代實錄將救群虫之徒死者右大臣宣奉勅依請元慶六年六月三日按是起請七條之一也

三代實錄云元慶八年九月十日丁卯權僧正法印大和尚位遍照奏言雲林院者故无品

常康親王之舊居也親王出家為沙門貞觀十一年二月十六日以此院付囑遍照曰深草

天皇賜此居之天皇登遐常康落髮昊天罔極德猶難報欲永為精舍令學天台之教伏思

元慶寺永置年分度僧三人傳天台之法行試度之道請以為元慶寺別院成親王之心願

矣但院中雜事擇遍照門徒之中堪幹事者令其勾當勅依請聽之仁和元年二月十三日

己亥權僧正法印大和尚位遍照上表曰小僧遍照言鐘鳴漏盡宮休昏夜之行鞭策程遙

宜稅玄黃之駕故益而終損已聞之於大聖滿者猶溢將挹之於小僧遍照昔在陛下光孝

之時陪蕃邸而委質暨乎深草象耕之日歸簪紱而出家既而身脫囂埃志厭榮利白業不

退素業所甘也去元慶三年詔授權僧正寵加非次聞之者咸驚榮出殊常當之而多耻遂

深執降退頻上表章而未蒙哀允屢換星霜會陛下金輪撫運紺殿垂衣小僧以豐沛之故

老遇慶泰之新朝中使相望慰問存臻是故雖慙出山未辭詣闕伏以俗士之事君也欲効

忠勤不惜筋力然而當於授杖之年猶有懸車之禮况禪徒之業戒律為先縱在少壯之質

何踏聚落之塵今衰暮之齡殆盈七十耄味時及病痾日侵而久忝上綱人謂之不知足或

侍中禁世謂之為叨榮小僧初剃髮日心誓自謂雖跡俗間終命山窟豈圖既迫桐柳之秋

更嬰網維之累小僧為陛下之舊臣陛下照小僧之宿意天鑒切冲何必指河伏冀陛下降

宸瀆之洪霽免僧正之崇班則開賢路於法務竅愚慮於禪門無任慊款之至謹奉表陳乞

以聞三月四日己未勅答曰來表具之公之於朕也外結香花內投膠漆非中路之傾蓋據

前世之宿因不意寄事乞骸解網維於潤戶矯詞知足停影向於瑣窓彼白衣之忌夜行昔

側聞諸有識縹侶之告飯老朝章闕以無存公之有此言朕未得其意若非君子之獻即忘

我之甚乎况運繫澆風待方便智之安國命含寒露思神通力之養民道不虛行人能弘道

當朕新馭秋駕願公暫鎮玄門自今閣筆勿傷朕懷九月四日乙酉勅以近江國高島郡荒

廢田百五十三町施捨元慶寺緣彼寺座主權僧正遍照申牒請也十月十九日庚午引僧

廿口於仁壽殿轉讀金剛般若經限以三日廿二日癸酉仁壽殿轉經事畢詔以權僧正法

印大和尚位遍照為僧正十二月十八日戊辰延僧正法印大和尚位遍照於仁壽殿申曲

宴遍照今年始滿七十天皇慶賀徹夜談賞太政大臣左大臣等預席焉

古今集云仁和の御時僧正遍照に七十の賀給ける時の御歌かくとつゝといふ角に
もなからへて君かやちよに逢よしもかな
三代實錄云仁和二年三月十四日癸巳賜僧正法印大和尚位遍照食邑百戶聽駕輦車

出入官門即勅曰惟公慈仁爲性保護朕躬一朝一夕賴其普導朕所以身膺鴻業至于今日豈非公潛術之力自然冥致耶况公之未及落銜朕之始在列藩推分結恩形於中表及其禪律交養揭爲僧豪外謔俗務內宗梵行者亦有日矣朕俯惟同塵之契遠感利國之誠念其酬責无忘脂寐今別割百戶之封供其禪門之費亦聽駕輦車出入官門留篤情於扶穀加隆遇於坐禪吁嗟至人懸解上德難名雖物外浮榮知非公好而人間崇錫聊寄朕懷義在忘言指不多及朕之蓄誠公宜悉之耳六月十四日壬戌僧正法印大和尚位遍照抗表辭封邑有勅不許焉

釋家官班記云法眼遍照貞觀十一年二月叙山門僧綱始也

釋家初例抄云自凡位直叙法眼和尚位例遍照貞觀十一年叙自法眼任僧正例權僧

正遍昭元慶三年十月任法皇御加持賞

今昔物語云今昔深草ノ天皇ノ御代ノ藏人ノ頭ノ右近ノ少將良峯ノ宗貞ト云フ人有リケ大納言安世ト云ケ人ノ子也形ノ美麗ノ心正直也身ノ才人ノ勝レハケ天皇殊ノ睦マシ哀ノ思食ケリ然ハ傍ノ人此レ憎ム不耳思ク其ノ時ノ春宮ハ天皇ノ御子ト御マシケ此憎ム人々事ノ觸レ此頭ノ少將ヲ春宮ニ便无キ様ト常ニ申ハケレ天皇春宮ト御子ノ御中ニ在ト云ト春宮此ノ頭ノ少將ヲ事ノ觸テ便无キ者

ニ思食積ケリ頭ノ少將其ノ御氣色ヲ心得レトモ天皇ノ此レ哀ノ睦マシ者ト思シ食ケハ其事モ不顧マシ日夜朝暮ニ宮仕ヘ怠ル事無クシ過ケ程ニ天皇身ノ病ヲ受テ月來惱ミ煩セ給ル頭少將肝碎ケ心迷テ歎キ悲ム云モト天皇遂ニ失セサ給ヒケレ暗ノ夜ニ向ル心地方身更ニ置キ所无ク思テ有ケル心ノ内ニ此世不幾ス法師ニ成テ佛道ヲ修行トシ思フ心深ク付リケ而ル此少將ハ宮原ノ娘也ケ人ヲ妻トシ極ク哀ノ難去ク思ヒ通シ過ケ程ニ男子一人女子一人ヲ産ケル妻獨身トシ我リ外ニ可憑キ無人ト思ハケレ少將極ク心苦シ哀ノ思ト云モト出家ノ心不退テ天皇ノ御葬送ノ夜事畢テ後人ニ此ト告ル事无クテ失レテ妻子眷屬泣迷テ聞及フ所ノ山々寺々ヲ尋テ求ト云モト露其所ヲ不知ケリ然テ少將ハ御葬送ノ曉ニ比叡ノ山ノ横川ニ只獨リ登テ慈覺大師ノ横河ノ北ノ谷ニ大ナ相ノ木ノ空ニ在マシ如法經書キ給フ所ニ詣テ法師ニ成ヌ其時ニ少將獨リ事ニ云クダラチ子ハカハレトナシモウハタマソワカクロカミナテヌヤアリケムトナ云ケ其後慈覺大師ノ御弟子ト成テ法ヲ受ケ習テ其レヨ今少シ深ク入テ懃ニ佛道ヲ行フ程ニ聞ハケ今ノ天皇ノ位ニ即セ給テ諒暗ト畢テ世ノ人皆衣ノ色替ムトヲ押シ量テ物哀ノ思ハケレ入道獨リ事ニミナ人ハ花ノ衣ニナリヌラムユケノタモトハカワキタニセストナ云

如此行ル程年月経リ而間十月許笠置ト云所ニ詣テ只獨リ禮堂ノ片角ニ裴ヲ打敷キ行ヒ居ル程見ハ人參ル主ト見ケ女一人女房立ル女一人侍ト思キ男一人下ノ男女合ニ三人許見ル居ル所ニ問許テ去テ此等ハ居ス我ハ暗キ所ニ居ハレ人有モ不知テ忍テ佛ニ申ス事共粗聞ユ吉ク聞ハ此ノ女人申ス様世ニ失シ人ノ有様知セ給ヘ泣キ氣ハ衰ニ申テ耳ヲ立テ吉ク聞ハ我カ妻テ有シ人ノ氣ハ聞成ツ我ヲ尋テ爲ニ此ノ行フ也ト思ヒ哀ニ悲キ事无限シ我此ニ有ヤリト云ハモ思モ知ハ何セム佛ハ此中ハ別コソ返々ス教ヘ給ケ事ナレ思ヒ念テ居ル程夜モ曉方ニ成ハレ此ノ詣ル人々出ツト禮堂ノ方ニ歩ヒ出タル見ハ男ハ我カ乳母子ニ帶刀テ有リ者也七八歳許有シ我カ男子ヲ背ニ負ソ有ル女ハ四五歳許也我カ女子ヲ抱リ禮堂ヨ出テ霧ノ降ル歩ヒ隠ル程吉ク心不強ム人ハ被知ナムカ思エケ如此テ修行ス程ニ靈驗實ニ強ク成レ病ニ煩人ノ許ニ念珠獨鈷ヲ遣ルハ物氣現レ靈驗揭焉事共有リ而間恐レ奉レ春宮位ニ文徳天皇ト申ケル御惱有テ既ニ失セ給レケ其後其御子ノ清和天皇位ニ即給ヒ世ヲ政ニ給フ間御惱有テ諸ノ止事无キ驗有ル僧共ヲ召テ稜々ノ御祈共有レケト露ノ驗不御ルコリケ人有テ奏テ云ク比叡ノ山ノ横川ニ慈覺大師ノ弟子トシ頭少

將宗貞法師勲ニ佛道ヲ修行シ靈驗揭焉也彼ヲ召テ可令祈給シ天皇此レ聞食ヲ速ニ可召シ度々宣旨有ハケレ參ル御前ニ參テ御加持ニ參ル程忽テ其ノ驗有テ御病癒セ給レハ法眼ノ位ニ被成リケ其ノ後行ヒ緩ム事无シ有ケル陽成院ノ天皇ノ御代ニ成テ亦靈驗揭焉事有テ僧正ニ被成リケ其ノ後ハ花山ト云フ所ニ住ル名ハ遍照トナケル年來其ノ花山ニ住テ有レ封戸ヲ給ハ輦車ノ宣旨ヲ蒙テ遂ニ寛平二年ト云年ノ正月ノ十九日ニ失レケ年七十二也花山ノ僧正ト云此也

大和物語云ふかくさのみかどく申ける御時長少將といふ人いみじき時よてありけりいといろこのみよなんありける志のひて時々あひける女おなら内お有けりこよひかあらすあはんとちきりたるよありけり女いたうけさうして待たれどもせずめをさまして夜やふけぬらんとおもふほとよとき申れとのおけれのきくおうとみつと申けるを聞て男のもとよふといひやりける人こころうとみついまのたのまよといひやりたりけるよおとるきて夢よみゆやとねをすきにけるとそつけてやりける志はことおもひてうちやすみけるほとにねすきにたるになんありけるかくてよよもらうあるものにおほえつかうまつるみかと限りなくおほされてあるほとに此みかとうせ給ぬ御はうふりの夜御ともにみな人つかうまつり

ける中にその夜より此長少將うせにけりとまたちめめいかならんとて志はし
 かくかじこもとむれともたとみくおもきこえず法師よやなりみけん身をやな
 けてけん法師も成たらのさてなんあるともきこえなんな身をなけたるなるへ
 じとおもふよの中おもいふじうあはれかりめことものさらにもいはすよるひ
 るさうじいもるをじて世間の神佛も願をたてまへとたとにもきこえずめい三
 人なんありけるをよろこおもひけるふいな世へじとなん思ふとふたりあ
 はいひけりかきりもなくおもひて子などあるめあいちり計もさるけしきもみせ
 さりけり此事をかけてもいはく女もいみじとおもふへじ我もえかくなるまじき
 心ちのまけれゆよりたよこてにはかよなんうせよけるともかくもなれかくなん
 れもふともいはさりける事のいみじき事をれもひつくなきいられて初瀬の御寺
 に此めまうてにけり此少將の法師に成てみのひとつをうちきて世間せかいをれ
 こなひありきてはつ瀬の御寺にたこなふほとになん有けるあるつほねちかふる
 てれこなへのこの女導師にいふやう此人かくなくなりたるをいきてよに有も
 のならん今ひとたひあひみせ給へ身をなけしにたるものならんそのみちな給

へさてなん志にたるともこの人のあらんやうを夢にてもうつこにてまきこみせ
 給へといひてわらさうそくかみおもれひたちまてみなすきやうにまげりみつか
 らも申もやらすなきけりはじめ何人のまうてたるならんときくもるたるにわ
 かうへをかく申つゝわらさうそくなどをかくすまやうにするを見るに心もきも
 もなくかななき事物にすはじりやいてなまじと千たひ思ひけれとれもひかへ
 じくゝゑて夜ひとよなきあかしてあしたにみれひみのもなにもなみた乃かくり
 たる所のちの涙にてなんありけるいみじうなけのちの涙といふものゝ有もの
 なんありけるとそいひけるそのをりあんはじりもいでぬへき心ちせじとそ後に
 いひけるかくれとなほえさかす御はてにたりて御ふくぬきによろつの殿上人か
 はらにいてたるにわらはのことやうあるなんかしはにかきたる文をもて來ると
 りてみれひみあ人の花の衣になりぬなりこけのたもとよかはきたにせよとあり
 みれひこの長少將の手に見をじついつらといひてもてこじ人をせかいおもとむ
 れとなし法師になん成たるへじとこれにてなんみな人志りにけるされといつ
 こにも有んといふ事さらへえあらすかくて世中にありけると云事を聞じめして
 五條のさざら順子のみやより内舎人を御つかひにてやまくたつねさせ給けること

にありとまゝていけりうせぬかしこに有と聞てたつぬれはまたうせぬえあはす
 からうしてかくれたる所にゆくりもなくいにけりえかくれあへてあひよけりみ
 やより御使になん参りきつるとてはせことけりかうみかともれはたまさすま
 つまじくたほしめじく人をかたみと思ふへきにかくよけうせかくれ給ひにたれ
 はいとなんかならまきなとか山はやににれこなひたまふともこくにたにせうそこ
 ものたまはぬたほん里と有る所に音もたまはまなれいと哀になんなきわ
 ふなるいかなる御心にてかういものし給ふらんとときこえよとてなん仰られつる
 こくかじこたつね奉りてなん参りきつるといふ少將大徳うちなきて仲事かしこ
 まりてうけ給はりぬみかとかくれ給てかしこき御かけにならひてればたまさぬ
 世にまはしも有ふへきこくちも侍らざりしかいかる山のすまよこもり侍り
 て死なんを期にてと思ふ給ふるをまたなんかくあやしき事いきめくらひ侍る
 いともかしこくとはせ給へる事わらはへの侍る事いさら忘れ侍る時も侍らす
 とてかきりなき雲のよそにわかるとも人を心にたくらさんやはとなん申つる
 とけいし給へといひけるこの大とくのかほかたちすかたをみるにかならまき事
 のにすすその人にもあらずかけのことくに成てたくみのをのみなんきたりける

少將にてありし時のさまのいときよけなりしをたもひいて涙もたまらざりけ
 りかなしとてもかた時人のるるへくもあらぬ山の奥なりけれはななくさら
 はといひてかへりきて此大徳たつねいて有りつる由をかんのくたりけいせさ
 せけりまさいの官もいといたうなき給ふさふらふ人々もいらなくなんなき哀
 かりける宮の御返も人々のせうをこもいひつけて又やれりけれは有る所も又
 なくなりよけりをのこまちと云人正月よきよまつまうてよけりたこなひな
 としてまよあやうたふときはうの聲よてときやうしたらあよむこのをの
 のこまちあやかりてつぎなきやうよて人をやりて見せけれはみのひとつをさ
 たる法師のこまひうちけなとゆひつけたるあんすみよるたりといひけりかく
 て猶さくし聲いとたうとくめてたう聞ゆれいたくある人よのよもあらじも少
 將大徳よやあらんとおもひよけりいかといふとて此みてらよあん侍るいとさむ
 き御衣ひとつまはじかと給入とて岩のうへお旅ねをすれいとさむじこけの
 衣をわれよかさなんといひやりたりける返事よををむくこけの衣いたくひと
 へかさねりうといさふたりねんといひたるにさらお少將ありけりとおもひて
 たくおもかたらひし中ありけれはあひてものもいはんと思ひていさけれいかい

けつやうようせふけりひととらをもとめとすれとさらぬけけつうせにけりかく
てうせよける大徳かん僧正まで成て花山と云御寺よすみたまひけるそくよいま
すかりける時の子ともありけり由世太郎左近將監よて殿上して有けるかくよにい
ますかりと聞時たよとて母もやりけり後撰いきたりけり法師の子法師あるら
よきとてこれもほうじよしてけりかくてかんをりつれいたふさよけかるたてあ
からみよのほとけよはかたてまつるといふもそう正の御歌よかん有ける

又云むねさたの少將ものへゆく道ふ五條わたりよて雨いたうふりけれのあれた
る門よたちかくれて見ゆるれは五間はかりあるひはたやの志もよ土やくらあと
あれとことよひとかと見えすあゆみ入てみれのはこのまよ梅いとをかじう咲た
り驚はかく人ありともみえぬみすの内よりうすいるのきぬこききぬのうへあま
てたけたちいとよき程ある人のかみたけはかりあらんとみゆれるあるら蓬おひ
て荒たる宿を驚の人くとかくや誰とらまたむとひとりこつ少將きたれともいひ
しかれぬわうくひすのきみよ告よとをこへてそあととこ意をかじうていへん女
れとるきて人もあじと思ひつるよ物じきさまをみえぬる事とおもひてものもい
てすかりぬ男えんよのほりてぬぬかとら物ものたまはぬ雨のわりかく侍つれい

やをまていかくてかんといへんはほちよりのもりまごりてかんこくの中々とい
らへけりときり正月十日のほとかりけりすのうぢより志とぬさこいてこり引よ
せてぬぬすこれもへりのはほりよくはれて所々あじ内の志つらひ見ゆるれい
あらしおほえてたくみよちりけれとくちをこく成よけり日ちやうく暮ぬれい
やをらすへり入てこの人をおくよゆいれす女くやととおもへとせいすへきやう
もかくていひらひかじ雨の夜ひとよふりあらし又のつとめてとすこととそら
れたる男の女のいらむとするをこくあきてとていれす日ちやうあられい此女の
おや少將ああるとすへきとこのあらしけれのことねりわらははとありとこめこり
けるよら堅いおほさ建らあめしてさけをのませて少將のひうき庭お生るるあを
つみてむじ物といふゆゆのめしてちやう茶らん園ふもりてはじよ梅のはあのさちり
あるををりてその花ひらふいとをらひける女のてふてらくちけり後撰君ちめ衣
のすそをぬらじつと春のよ出てつめるわらあそ男これをみるゆいとあはれゆ
おほえて引よせてくふ女わりあうそつらじと思てふじこり少將おきてことねり
わらはをばしらせてすあはち車よてまめある物さまくよもてきこりむら入よ
人のあれいしま又も参こんとていてぬそれより後とえすみつらちもきとふらひ

けり萬のものくへとも猶五條ありしものめつらふめてこりきと思ひ出
ける年月をへてつらうまつりし君仁明少將れくれ奉りてはらん世を見しとおも
ひて法師に成よけりもとの人のもとよけさあらひひやるとて霜ゆきのふるやら
ふさひひとりぬのうつふこそめのあさのけさかりとかんありける

續往生傳云僧正遍照者承和之寵臣也俗名宗貞歷近衛將補職人頭出自累葉清華之
家居於前疑後承之任才操相兼衆望所歸又長和歌及官車晏駕不堪戀慕遂以入道慈
覺大師之弟子安然和尚之師匠也難行苦行自多效驗公家不捨授以僧正職兼爲御持
僧天狗託人語曰貞觀之世住於此山欲知當世有驗之僧變爲小僧立於樹下逢一樵父
謂曰送我於當時執政之家將有大報父曰將何爲我曰持一革囊明夕可來父如其言即
爲飛鳥入囊晚頭到於右相家中門開其口便到寢殿以足踏右相胸稱有頓病家中大駭
舉足下足或活或死請當時名德敢無可畏之人經一兩日家司來曰猶可被請華山僧正
已時遣請書未時有領狀總角二人捧白杖隨狀相副我頗恐之暫而爲塗壇場承仕以下
到來又有護法五大人入夜僧正光臨護法之數及十餘人我漸取足不能任意相忍而居
修法七日之間病已平愈未及仗我家司重請延以二箇日此時術盡已失方計第二日曉
以鐵網入我置於爐壇之火中焦灼爲煨燼及捨壇灰幸置廁邊便就食氣蘇生居此處六

年若欲出門則護法拘留敢不能寸步適出自水門於是知此人爲本朝一物必欲致燒亂
仍到花山他所雜居或住厠邊三年僧正每來護法五大人必守護之終不得其隙又思最
後臨終可成其妨尋其命期雖向彼山護法衛護聖衆來迎敢不能入於二三里之內唯聞
空中管絃望山上雲氣而止本傳在國史只傳異聞而已按天狗語與拾遺往生傳沙門
長慶事相似蓋傳聞之異已
遍昭集云ゆふくれよくものいとばかをけよすかき待るを見て常よりもあはれよ
てさくかよの空あすかくもかなしことまたきやとよも幾世かはふる世のはかあ
さいとく思ふしられて侍しか新吉末の露本の雪や世中のれくれさきたつためらあ
るらん

古今集云仁和の御門光孝みこよおはしましける時ふるのたき御覽せんとてればしま
しける道ふ遍昭らはくの家よやとりたまへりけるときよ庭を秋の野よつくりて
おはん物かたりのついでよよみてたてまつりける僧正遍昭里にあらて人のふり
にしやとあれや庭もまかきも秋のらある

同序云僧正遍昭のうたのさまのえたれともまことすくあしたとへいあみかける
をうあを見ていたつらよ心をうかすることし
體源抄云神樂道名人右近權少將良峯宗貞撰左笛譜

廿一日戊申為遍昭令修諷誦事

扶桑畧記云正月廿日丁未大臣奏云華山僧正昨夜入滅此僧正殊事光孝先帝又殊仕當代云々有賜勅使之例遣少納言若殿上侍臣等弔弟子或有給物等之迹圓仁座主時以良峯繼世為勅使狀具承矣二十一日戊申詔遣少納言從五位下令扶於元慶寺弔故僧正遍昭遺室并捨綿三百屯調布百五十端令修諷誦

廿五日壬子太政大臣基經施入年給於前唐院事

慈覺大師傳云寬平二年正月二十五日太政大臣越前公施入年給一分一人其狀云為支故天台教主慈覺大師本願奉施如件傳聞大師昔者踰鼇波求象教即在西唐發欲建禪院之願爰歸本朝未及始營是生之化早盡他界之緣忽與更託諸弟子以必遂彼願遺弟子等銘首刻心一日不怠然而居不出谷泉石遂無作貯之謀服纒纒風薛羅亦非待價之物所以力不隨志思以至今近者亦聞滿山之眾各易三衣沽一鉢欲買故南亞相北山之宅以建立件院弟子雖不拂塵勞難逃煩惱而念觀之心恒在叡岳今聽此事有感於懷故施件年給聊補綴闕乏伏願彼弟子諸賢聖眾不嫌集岳之塵以添布地之金敬白其後主上感悟此旨給內給一分一人太政大臣手書云一昨就事參內裏適得縱容奏聞慈覺大師本願追建禪院之事皇心感動如響隨音即有詔施入內給一分一人已畢法之不淪

自然如此聽者隨喜弟子隨喜伏乞滿山之眾各垂悉知

廿八日乙卯勅問參議所職事

小野官年中行事云寬平二年正月廿八日御記云就議廷問太政大臣基經曰參議所掌其職如何大臣答云為政大夫然則諸國長官有聽其行者具以奏之

是月內宴事

田氏家集春風歌陪寬平二年內宴應製作風為號令聞先訓八節周旋皇政媒加物無偏又無黨施人

如去却如來搖揚逐日從箕宿養長隨時應震雷就裏三方非有意只須珍重自東廻水池

貫玉宛綠、酒肆吹爐擬暖灰解却畜懷梅口笑消除遺恨柳眉開絲相繚繞飛歌樹羅神

飄飄拂舞臺臣過六旬陪五代臣自齊衡春風殊合煦寒裁按內宴式日諸書不

二月大丁巳朔

一日丁巳釋奠事

田氏家集仲春釋奠聽講論語同賦為政以德政歸於德德為隣猶若眾星拱北辰今日神農何處廟于時拜典藥頭無顏拜賁孔堂春

四日庚申故中納言山陰男女供養摠持寺事

三國傳記云陽成天皇御宇越前守藤原朝臣高房ト云人アリ淡海公五代ノ孫也其一

男山蔭中納言ト云人四歳ノ時高房具足シテ鎮西ニ所知アリテ下向シケル時淀ノ
穂積橋ノ下ニ一人ノ鴨飼龜ヲ取テ害セムトスルヲ高房買取之水中ニ投入又日晚
ニ此山蔭中納言ノ幼少ナルヲ海中ニ落シ入又折節海波嶮ク難助父高房悲歎ノ餘
ニ觀音ニ祈念シテ云設ヒ決定應受報也共定業亦能轉ノ方便ヲ以テ再ヒ我子ヲ見
セ給ヘ千手觀音像ヲ造ラムト云思ノ餘ニ舟ヲ戻シ欲返都則水中ヨリ我子ヲ昨日
買テ放ツ處ノ龜ノ甲ニ戴テ浮浪上是併觀自在尊ノ波浪不能沒即得淺所ノ方便也
ト悦テ高房其子ヲハ船中ニ懷取テ命ヲ繼ク然而所願未果高房薨ス其子幼少ノ心
ニ父ノ宿願ヲ果サントスル境節遣唐使アリ大神御井ト名ク御衣木ヲ儲シカ爲ニ
沙金一百兩ヲ付テ渡ス御井詔ヲ受テ靈木ヲ唐朝ニ尋ニ清涼山佛母院ニ一ノ香木
アリ是栴檀香木也御井聞之靈木ノ由來ヲ彼山ニ尋ニ清涼山ノ麓東南ノ角ニ大ナ
ル江アリ其中ニ數年光ヲ放ツホアリ一人ノ聖人取之此佛母院ノ佛像ヲ作奉ント
セシニ造不遂シテ入滅シヌト云御井乞得之一百兩ノ金ヲ彼山ニ施入レ靈木ヲ日
本ヘ渡サントス爰ニ唐帝聞給テ堅ク禁之船ヲ止ム御井銘ヲエリテ海ニ投ク其詞
云栴檀香木長三尺六寸周四尺八寸其形方也是日本國越前守藤原朝臣高房胤子造
千手觀音像爲果亡父所宿願所誂香木也靈精驗有守護冥衆愍彼孝子渡海無難到其

所云々納言生長シテ才能人ニ勝レ朝家ノ譽世ニ越元慶五年七月十二日播州守ニ
任同六年三月二日彼國ニ下向ス土民來テ云此明石浦ニ靈木アリ毎夜光ヲ放ツ人
恐テ成ト云納言恠テ海人ヲ語テ取之見ニ三行ノ銘アリ奇特ノ成思處ニ御井モ程
ナク皈朝シ彼木ノ由來ヲ語ニ納言彌感シ都ニ返テ妙像ヲ顯ントスルニ攝州島下
郡今ノ摠持寺ニシテ人夫休息ノ爲ニ暫時此靈木ヲ下シ便上之荷ムトスルニ曾テ
不動納言恠テ靈木ニ向テ云若欲垂跡此處願クハ輕ク可舉速ニ呈尊像建伽藍此地
云々時ニ舉之輕キコト如元終ニ花洛吉田亭ニ著メ今ノ吉田社是也靈異最多輕々
敷此靈像ヲ非可造以聖人欲奉造依之納言長谷寺ノ觀音ニ參籠シテ祈誓ス七日ニ
滿ル曉ノ夢ニ貴僧御帳ノ内ヨリ出テ告テ云汝善惡ヲ無嫌曉ニ出ル時最初ニ值タ
ル物ヲ可佛師トス云々早旦ニ下向ス門前ニ十四五計ノ童子アリ其體賤シテ實共
不覺然而大聖ノ告可疑ニ有子ハ夢想ノ告ヲ語ニ悅奉造ント云テ二月初午日ヲ契
ル約束ノ日彼童則テ來ル諸人事カラテ見テ此像ヲ造シ事ヲ不信自面々ノ疑ヲ知テ
試ノ爲ニ一日一夜ノ間ニ長五寸ノ十一面觀音ヲ造ル今彼寺ノ試之觀音是也尊像
殊妙ニシテ諸人疑ヲ止ム慈容奇巧ニシテ檀越信ヲ増ス彼童ノ云千手觀音像ハ
別所ニ籠居シテ一千日ノ間ニ可奉造但其間毎日一度ノ供物ヲ備メ努々勿見佛所

云々則約束不違居所ヨリ東ニ去テ方丈ノ室ニ童子ト御衣木トヲ作籠一窓ヲ開テ
毎日一度ノ備供千日ニ滿ル仁和二年五月十五日ノ曉空中ニ聲有テ長谷觀音ヤ御
座御座ト三度マテ云ケレハ佛所ニ答テ云物云サカナキ行基カナト云テ佛所ヲ踏
破南ヲ指テ去ヌ納言急キ佛所ヲ見レハ三尺ノ千手靈像在ス色相誠ニ凡ノ非所爲
是長谷觀音現童男身所造給也一千日ノ供膳一モ不失不損双置ニ菩薩ノ尊容悉成
ト云トモ未及堂舍構同四年二月四日納言又薨正ニ生年六十五遺息七男七女アリ
同心レテ一寺數字ノ伽藍ヲ攝州島本郡ニ營作成シ二尊爲利生道場惣持寺ト號寬
平二年二月四日父第三ノ當遠忌遂供養云々接惣持寺供養於他者無其證且據鐘銘
山陰在世所建非其男女此說必有誤
朝野群戴惣持寺鐘銘序云祖父越前守藤原朝臣歸心於普門妙智傾首於無礙大悲而
墜露漉然閃電條爾納言尊考慘先業之不遂歎善因之未成多以黃金附入唐使大賀御
井買得白檀香木造千手觀音菩薩像一體仍建術場於攝津國島下郡安置此像號曰惣
持寺全文在延喜
十二年四月

十三日己藤原仲平於御前元服事

扶桑畧記云二月十三日己大臣參入言曰可加小童仲平元服即簾前立倚子就之大
臣禮候爰使散位定國先結髮次朕着冠此時左大臣融朝臣參入太政大臣并仲平相具

舞蹈賜仲平白袂一領朕即乎造位記曰无位藤原仲平今可正五位下先帝御宇之日兄時
光仁
平加元服皆率其流也即儲座於雅院者是息所之曹也太政大臣會語曰白壁天皇將立
皇太子其議未定大臣莫吉備并諸公卿議立他帝之子宣命之書奏了爰藤原百川破其
書立柏原親王爲皇太子大臣歎曰我年耄親耻如此柏原天皇緣百川之功親臨加子緒
嗣元服即資劔曰先帝所奉劔今與汝而拜內舍人封戶百戶光孝先帝之賞時平恩踰海岳慈
同覆燾朕曰先帝嘗言我今長大潛藩底因太政大臣之扶持幸得登此皇極枯木更榮是
誰德乎又朕有兩兄雖有先帝之顧託自非大臣之濟導朕寶位何至今日乎
古今集目錄云藤原仲平太政大臣基經二男母人康親王女寬平二年二月十三日於殿
上加元服天皇加冠叙正五位下十六〇按公卿補
任誤爲仁和三年
廿五日辛參議冷薨事

源氏系圖云源冷寬平二年二月廿五日薨五十二按一代要記爲仁和三年五十八據此
今年正六十一除其兄多一歲又據本

公卿補任云源冷仁明天皇源氏按母氏無所見
嘉祥二年正月廿一日叙從四上位
元無仁壽四年

八月廿八日右馬頭齊衡三年正月但馬守四年正月十四日近江守貞觀三年正月十三

日伊世守六年正月十六日播磨權守十年正月十六日相摸權守十三年正月七日正四

位下十五年正月十三日任宮内卿十九年正月十五日兼讚岐權守十月十八日讚岐守
同日兼右兵衛督元慶六年二月三日任參議宮内卿右兵衛督如元以上元付七年正月十一
日兼備中守仁和三年正月七日叙從三位四年九月九日任左衛門督寬平二年二月廿
五日薨年五十六

續日本後紀云嘉祥元年四月癸卯本康親王及源朝臣冷於清涼殿冠焉天皇遺體也

二年正月乙亥叙无位源朝臣冷從四位上三年正月甲午從四位上源朝臣冷為讚岐守

文德實錄云嘉祥三年五月甲午從四位上源朝臣冷為讚岐守按三月廿一日依帝崩服解今日所復任也仁

壽三年七月庚寅朔從四位上源朝臣冷為讚岐守齊衡元年八月庚辰從四位上源朝臣

冷為右馬頭三年正月丙辰從四位上源朝臣冷為但馬守天安元年正月癸丑從四位上

源朝臣冷為近江守

三代實錄云貞觀三年正月十三日戊子散位從四位上源朝臣冷為伊勢守六年正月十

六日癸卯從四位上行伊勢守源朝臣冷為播磨權守十年正月十六日辛亥從四位上源

朝臣冷為相模守元慶元年十月十八日乙酉宮内卿正四位下兼行相模守源朝臣冷為

右兵衛督相模守如故仁和三年正月七日辛巳授參議正四位下行右兵衛督源朝臣冷

從三位

三十日丙定諸節供事

年中行事秘抄引御記云寬平二年二月卅日丙戌仲善曰正月十五日七種粥三月三日

桃花餅五月五日五色糰七月七日素麩十月初亥餅等俗間行來以為歲事自今以後每

色辨調宜供奉之于時善為後院別當故有此仰

公事根源抄御節供條云寬平二年二月の比後院の別當善といふ人よ仰られて每節

よ調進せらる諸院宮の御節供も是よ同と異事ハ侍らす

又十五日御粥條云寬平の比より年毎ふこれを奉る其外三月三日かとの御節供も

此時より同定らる七種の粥とい白穀大豆小豆あはくりらささくけあと也と九條

右丞相の御記よみえたり

三月小丁亥朔

三日己御燈事

年中行事抄云御記云寬平二年三月三日依御燈事諸司廳務

西宮抄云延喜二二三内藏寮請被定可奉御灯寺依不愷舊例召右大將問之答曰貞觀

以來於靈巖寺被奉寬平初用月林寺後用圓成寺云々

曲水宴事

年中行事抄云太政大臣參入終日有宴飲事于時有詩與其題三月三日於雅院賜侍臣
曲水飲被召文人前讚岐守管原朝臣典藥頭島田忠臣等殿上藏人堪文之者相交其中
管家文章三月三日侍於雅院賜侍臣曲水之飲應製擲度風光臥海濱可憐今日遇佳辰
近臨桂殿迴流水遙想蘭亭晚景春仙蓋追來花錦亂御簾卷却月鈎新四時不廢預王澤
長斷詩臣作外臣

田氏家集三月三日侍於雅院賜侍臣曲水之飲應製大皇歲久廢良辰聖主初臨元巳新
宮水自流為曲洛內、便引作嘉賓提壺鳥舌催呼酒帶浸花心笑向人莊叟莫嫌漆園吏
昔莊周濠漆園今臣明時還侍泛觴春
慨藥園故有此之

廿三日己酉大法師勝皎任東大寺別當事

東大寺別當次第云傳燈大法師勝皎寬平二年三月廿三日任年七十九薦五十三

廿九日乙卯客星見事

一代要記云三月二十九日夜客星見東

史料卷之五

史料卷之六

宇多天皇事記第四中起寬平二年四月盡六月

四月大丙辰朔

一日丙辰旬事

江談抄云見如冰雪眼如桐侍女傳從翻帳中廣相寬平二年四月一日依例賜群臣飲別

勅掌侍藤原宜子頒賜御扇以詩取

八日癸亥灌佛并任僧綱事

扶桑畧記云四月八日癸亥親王公卿等參上灌沐以勝延為導師先日仲梵釋寺僧神惠
雕造白檀四天王像今日參入奏之即令侍灌佛之座朕童稚之時令參件寺已及十餘度

爰神惠辨備食膳勞息於飢為賽其功為大威儀師以勝延為律師

和漢合符云寬平二年庚戌四月浴佛始按宮中灌佛既見續日本後紀而本書以此年為始者誤也

古今集目錄云勝延寬平二年五月日任權律師按五宜

五月小丙戌朔

六日辛卯勅定競馬勝負事

小野宮年中行事云寬平二年五月六日左右十列漸以行上分後院御馬二匹賜左右馬

察競馳之間或番左近衛墮馬馬獨走勝右馬三丈左右請處分勅答云左馬可謂勝也何
以言之今日競馬不敢競人抑群臣可議定云々式部卿親王曰人墮馬走猶爲負太政大
臣曰騎人墮者馬不必走故爲負耳左大臣曰人已墮者可爲負是古昔之言也仲諸司檢
申勝負而古人之迹如朕所言按北山抄又載之

十二日丁酉賜高望王平姓事

長門本平家物語云々の親王葛原の御子高見王無官無位ふしてうせ給ぬその御子た

もちの時寛平二年五月十二日よはじめて平朝臣の姓をたまはりて上總介ふなり

給按大塚系圖爲十三日源平盛衰記神
給皇正統錄爲元年今據諸系圖從本書

平家勘文錄云平家と桓武天皇第五の皇子一品式部卿葛原の親王は御孫高見王
の太子高望の王は時寛平元年十二月十三日ひ民部卿宗章の朝臣帝皇をたふけ
んとせし時祖王の宣旨をうふりて宗章を追罰せし故に帝王御威有て同二年の
五月十二日上總守ふなり朝敵をたひらくる故に平の姓を給はる

十六日辛丑參議廣相卒事

扶桑畧記云五月十六日參議左大辨前勘解由長官文章博士橋朝臣廣相薨十七日詔
贈中納言從三位由侍讀勞也

公卿補任云橋廣相贈太政大臣奈良磨男兵部大輔島田磨島田磨男伯耆守從五位上
眞材眞材男若狹守從五位上峯範峯範二男廣相也母民部大丞藤末永女貞觀二年四
月補文章生字朝綾五年三月十日越前權少掾六年四月補藏人八月八日對策及第八
年正月十三日右衛門大尉九年正月七日從五下二月十一日文章博士辭而不就十月
改博覽爲廣相十一年二月一日遷任東宮學士十二年二月十四日民部少輔學士如元
十五年正月七日從五上十六年二月廿九日右少辨學士如元十八年正月十四日左中
辨學士如元十一月廿九日停學士依藤元十二月廿六日兼美乃權守十九年正月十三日
叙正五上二階學士勞十五日式部大輔辨權守如元二月藏人頭式部大輔美乃權守如元家
傳云聽昇殿陪近習禁內衆事無不幹理云々十一月廿一日從四下大會元慶三年九月
日辭頭四年二月廿一日兼勘解由長官大輔如元五年二月十五日右大辨長官如元八
年二月廿三日從四上御即日五月廿六日兼文章博士十二月五日任參議同日文章博士
如元已上仁和二年六月十三日轉左大辨三年十一月十七日叙正四位下御即日四年二
月十日兼近江守侍從十一月廿五日叙正四位上寛平二年五月十六日卒年五十四按
代皇紀爲五
十疑版四字同日贈中納言從三位按扶桑略記一代要
記爲明日似得其實

江談抄云荒村桃李猶應愛何況瓊林藥苑春橋廣相九歲昇殿詩云々童名文人云々

田氏家集寄橋神童才聽批頤又愚甘積善家門見好男山雨襟材青幹出春風蘭畝紫牙
舍鳳皇城裏聲無二鴻鵠雜中數欲三遍覽古書多幼達空稱了々盡難堪

三代實錄云貞觀九年正月七日戊申授正六位上橋朝臣博覽從五位下二月十一日辛巳從五位下行右衛門大尉橋朝臣博覽爲文章博士十一年二月己丑朔立貞明親王爲皇太子文章博士從五位下橋朝臣廣相爲學士十二年二月十四日丙申東宮學士從五位下橋朝臣廣相爲民部少輔學士如故十二月廿九日丙午從五位下橋朝臣廣相爲次侍從十四年五月十五日甲申渤海國入覲大使政堂省左允正四品慰軍上領將軍賜紫金魚袋楊成規副使右孟賁衛少將正五品賜紫金魚袋李與成等廿人入京安置鴻臚館廿四日癸巳勅遣民部少輔兼東宮學士從五位下橋朝臣廣相賜客徒曲宴遣兵部少輔從五位下兼行下野權介高階真人令範賜御衣客主具醉興成賦詩十七年四月廿三日乙亥皇太子始讀千字文從五位上守右少辨兼行東宮學士橋朝臣廣相侍讀十八年十二月廿六日己巳從五位上守右少辨橋朝臣廣相爲美濃守少辨如故類聚國史云元慶元年十一月廿一日戊午授正五位上行左近衛少將兼播磨權介藤原朝臣門宗式部大輔兼美濃守橋朝臣廣相並從四位下三代實錄云元慶二年八月廿五日戊子皇弟貞保親王於飛香舍始讀蒙求從四位下行

式部大輔兼美濃權守橋朝臣廣相侍讀八年二月廿三日甲寅授散位從四位下源朝臣平右大辨兼勘解由長官橋朝臣廣相並從四位上四月四日甲午天皇始讀文選右大辨從四位上兼行勘解由長官橋朝臣廣相侍讀五月廿六日乙酉右大辨從四位上兼行勘解由長官橋朝臣廣相爲文章博士餘官如故十二月五日辛卯以右大辨從四位上兼行勘解由長官文章博士橋朝臣廣相爲左大辨餘官如故
柱史抄云仁和二年十月^{二年十月}芹河行幸內記日記云橋廣相于時參議左大辨文章博士著狐尾袍着靴是承和小野篁滋野貞主等例云々

北山抄云阿衡事實平之初昭宣公關白詔廣相作之阿衡之任爲公之任云々佐世申云阿衡无典職不可關白官中庶務歟仍持參官奏不覽之事及天聽以道々博士令勘申之河原大臣奉勅問廣相并諸儒清行長谷雄愛成月雄等皆同佐世然大臣不能辨決因之召儒士於御殿又難一決如此之間關白不知政及數旬仍訴作者之罪廣相不仕送書讚州^{時管丞相}刺史奉書於大相閣其書不言事理非唯陳此人不可被罪之旨廣相薨後夢中來授金笏三枚謝阿衡事云々案之關白無別所職謂無典職有何難乎彼書雖不陳理非意在此歟諸儒相同憚時歟^{按阿衡事詳政事要略既職仁和三年}四兩年十訓抄爲貞觀中者誤也

十訓抄云昔橘廣相トテ名譽博士アリケリ昭宣公ノ表奉ラレケル勅答作ケルニ以
阿衡之任爲公之任ト書リ時ノ儒者佐世是ヲミテ昭宣公ノ御許ニ參テ君ハ攝政ハ
ノカレ給ヘルニヤ候ラム阿衡ハ位ナレト攝政ハセスト申ケレハ然サル事トテ今
ハ世ニ仕フマシキ身ナレハトテ御廐ノ馬共ヲ切放タレタリケレハイミシクナテ
カハレタル馬共京中ニ多ク走リケルテ人アヤメノハシリケル程ニ御門聞シ召テ
大ニ驚セ給テ勅答ヲカヘラレケルノミニ非ス廣相ヲ過ニ行ハルヘキヨシ朝議ニ
及フソノ宣命ニソ勅答ヲ作レル人廣相阿衡ヲ引テ朕カ本意ニソムクト書レタル
廣相此事ヲ安カラス思テ死ナム後犬ト成テ佐世ヲクワハムト云テ失ニケリ其比
佐世カ家ノ邊ヨリ始テ大路ニ赤犬トモ多走散テ阿衡々々ト鳴テ人ヲクヒケリ時
人オチサハキ阿衡クヒトナム云ケル佐世カタメニモイカニモヨキ事ハナカリケ
ム其後贈官ノ宣旨被下テ贈中納言トイハレ給ケルモ此故ニヤ抑此事貞觀年中ノ
事也ケレハ管丞相イマダ御官位アサクオハシマシケルニ殊ニ歎カセ給ケリ明經
ニハ善淵愛成紀傳ニハ藤原佐世等毛詩尙書漢書ナトノ文ヲ引テ執論ヲ成ト云ト
モ是ニシテカヒ給ハス其文ニカナハレト仰ラレテ管家御消息ニハ廣相アヤマリ
ナキ子細ノ旨ヲノセラレテノオクニ大府先於施仁之令諸卿早停斷罪之宜トソカ

カレケル廣相是ヲ聞テ悅ケリ失テ後程ヘテ管家ノ御夢ニ廣相來テ其悅ヲ申テ二
ノ金笏ヲ授奉ケリ我三公ニノホルシルシ也トソ被仰ケル果シテ旨ヲ失ハサリケ

政事要畧管丞相奉昭宣公書某白不信而諫謂之諛過而不改謂之過某去年^{仁和三}與平季長
共陣警說是諛也今日不堪愚款獨進狂言是過也某萬死再拜願賜縱容某今日日偷入
皇城適有或人告以一事曰左大辨廣相朝臣奉勅作答大府上章之勅書云以阿衡之任
爲公之任明經善淵愛成等引毛詩尙書君奭之義即述其說云阿衡者三公之官坐而論
道紀傳藤原佐世等摘後漢書論晉簡文紀之句更釋其意云阿衡者或稱丞相又名攝政
六月七日宣命云作勅答之人廣相引阿衡以乖朕之本意去十月大臣命明法博士云定^{仁和四}
廣相所當之罪名廣相忌避阿衡久不仕某自聞或人之語寒心酸鼻寢食不安先爲己業
次爲大府所聞者一而所悲者二所言者近而所慮者遠何者夫作文者不必取經史之全
說雖邂逅取之或斷章爲義追辭之所膏液弄聖賢於筆頭隨手之所剪裁破經典於紙上
況遇膠黏之數字得髣髴之成文偷足其言詞不知觸於忌諱自有風雅篇章以來孰敢能
免斯咎者乎廣相採伊尹之舊儀當大府之典職本義雖與詩書反乖新情自與漢晉冥會
視其所以觀其所由非挾於異心以作斯文蓋因同躰而喻彼義也若起于廣相留爲流例

後之作文者未必免罪科罪科不免則緣情辨物豫設對吏之詞言泉思風先書入宰之簡也當是時法官論曰事有舊章理宜遵用云々大府寧爲作文者迴哀惜之情乎又去夏到國者皆曰上自公卿大夫下及婦人兒子知之不知无不談廣相爲口實如行人言唯以其爲衆毀所歸之故天下共罪之也若令他人坐此同罪因其罪深過濫必有爲彼訴者可哀則毛羽創痛遺生輕重之手春雨秋霜交放愛憎之口也當是時法官論曰刑无二科理宜一定云々大府寧爲彼訴者立赦降之議乎如是則世之好文章者爭避網羅爭避網羅則无家學之人无家學之人則文章自茲而廢矣某身非橫草之後家少代承之親官爵則詐朝廷以家風聲價亦嚇世人以祖業仰思先進伏見當時雖云文士之多人未若弊內之累代昔者楚若亦發歎於陟屺野婦零涕於亡簪非物之責不忘故也况某父祖揚名之業子孫出身之道一朝停廢豈不哀乎是其爲己業所悲者也廣相爲當代所立者大功一至親三何以謂之間里言曰先皇欲立今上爲太子者數而大府不務奉行其間小事人皆聞之廣相內結婚姻外託師傅萬方祈請无不盡誠斯事雖出于街談巷語或万分之一可採用矣詩曰无德不酬无言不報小言小德猶可酬報况爲聖主致精誠者乎是廣相所立之大功也廣相外孫皇子見有二人今上龍潛之日相視愛近父子天愛也豈无顧念乎既愛其孫故其祖之不可惡者可知其至親一也廣相女子者今上在邸而所娶娶後四年乃爲天子雖可不專後庭之夜何以乍割前日之恩既親其子故其父之不可疎者可知其至親二也尚侍殿下者今上之所母事其勞之爲重雖中官而不得其功之爲深雖大府而不得而廣相始以女子附屬尚侍轉自尚侍奉進今上婦人以仁爲性不必思其大義始屬之志寧不哀憐故尚侍爲廣相之意亦可知其至親三也又聞去年先皇晏駕之朝今上承嗣之夕功成漏刻議定須臾因緣貴府之持重无有傍人之出言宜哉先皇之寄顧託也夫目非上聖不能大知故物常品常品之人亦有常職而已大府臨時爲社稷之器若廣相積日有祈禱之功大府居位爲師範之儀若廣相、信有講授之勞大府大、唯爲大臣之貴若廣相家中有皇子之親大府攝政爲冢宰之臣若廣相承恩有近習之故縱使聖主被逼外議暫不相沂揆其內情未必爲嫌然則廣相逾搆陰怨於大府聖主空飾外形於大府計之甚无謂也又藤氏功勳勒在金石公侯將相冠蓋如雲近代而降漸似蕭索位高德貴者年齒衰老年壯才聞者位望卑微雖有非常无人可備雖有不虞无士可謀儻準大府神明之德未墮顯祖不朽之名夫百丈之木爲一蠹所傷萬尋之堤爲一蟻所决廣相有才智有謀有慮有親有故有功有勞伏惟大府裁察勿爲有才智謀慮者爲怨首勿爲有親故功勞者爲摧首是其爲大府所悲者也廣相者某先父相公之內人然而未曾聞爲某有恩恕約而言之魏文帝所謂文人相輕也今之所陳无他用意不勝已業之欲廢續以狂昧之

子雖可不專後庭之夜何以乍割前日之恩既親其子故其父之不可疎者可知其至親二也尚侍殿下者今上之所母事其勞之爲重雖中官而不得其功之爲深雖大府而不得而廣相始以女子附屬尚侍轉自尚侍奉進今上婦人以仁爲性不必思其大義始屬之志寧不哀憐故尚侍爲廣相之意亦可知其至親三也又聞去年先皇晏駕之朝今上承嗣之夕功成漏刻議定須臾因緣貴府之持重无有傍人之出言宜哉先皇之寄顧託也夫目非上聖不能大知故物常品常品之人亦有常職而已大府臨時爲社稷之器若廣相積日有祈禱之功大府居位爲師範之儀若廣相、信有講授之勞大府大、唯爲大臣之貴若廣相家中有皇子之親大府攝政爲冢宰之臣若廣相承恩有近習之故縱使聖主被逼外議暫不相沂揆其內情未必爲嫌然則廣相逾搆陰怨於大府聖主空飾外形於大府計之甚无謂也又藤氏功勳勒在金石公侯將相冠蓋如雲近代而降漸似蕭索位高德貴者年齒衰老年壯才聞者位望卑微雖有非常无人可備雖有不虞无士可謀儻準大府神明之德未墮顯祖不朽之名夫百丈之木爲一蠹所傷萬尋之堤爲一蟻所决廣相有才智有謀有慮有親有故有功有勞伏惟大府裁察勿爲有才智謀慮者爲怨首勿爲有親故功勞者爲摧首是其爲大府所悲者也廣相者某先父相公之內人然而未曾聞爲某有恩恕約而言之魏文帝所謂文人相輕也今之所陳无他用意不勝已業之欲廢續以狂昧之

批誠伏惟大府深思遠慮再三反覆又近者如聞明法奉宜之後所論各異或云職制律云
被詔書有所施行而違者徒二年失錯者杖八十注曰失錯謂失其旨廣相是失詔書旨也
或云詐偽律曰詐為詔書及增減者遠流疏曰意在詐偽而妄為詔勅成文而增減其事若
廣相是詐為詔勅也如是則兩家之說有重有輕不知誰能得其實論謹案職制律謂施行
詔書失錯其旨者杖罪異于廣相作詔以乖主上之旨詐偽律謂不據勅命妄自為詔者遠
流反于廣相奉勅以違人君之意律文遂无正條將以因准論之因准論之疑罪自從輕輕
則廣相之患々々明矣若法之所當罰不足患則大府先於施仁之命諸卿早停斷罪之宜
若世之所々事不得已則託以放逐邪臣之議莫用詐為詔書之律古人有言可斷不斷還
受其咎甚恐事官變生後悔无及某萬死再拜謹言

江談抄云廣相任左衛門尉是善卿不被許此事云々管家獻策之時來省門彼時強不籠
小屋只徘徊省門廣相著毛咨到此處癖事之處々相共披勘之有一事不通廣相策馬到
嵯峨之隱君子之許問之云々

又云廣相獻策之時七日之中見一切經凡書籍皆橫見之雖如此拔萃之性尚有備忘却
之事故何者先年見唐年號寄韻之書是廣相之所抄也云々件書注付年號難等
年中行事抄云廣相卿傳云仁和五年蒙勅造撰踏歌記一卷件記仁壽以後四代中絕不

行今年尋承和舊風始行之按年中行事
秘抄同之
本朝書籍目錄云藏人式一卷橋廣相撰橋氏文集八卷廣相撰

拾芥抄云朝官當唐官畧抄右大辨橋廣相撰也

神護寺鐘銘云愛當之山神護之寺三寶既備六度無虧唯所有梵鐘形小音窄故禪林寺
少僧都真紹和尚始發弘願有心改鑄銘範未成衣被早化檀越少納言從五位上和氣朝
臣彝範悼和尚之遺志尋先祖之舊蹤以貞觀十七年八月廿三日雇冶工志我部海繼以
銅一千五百斤令鑄成焉恐年代久遠後人不知仍聊記於鐘側右少辨橋朝臣廣相之詞
也銘一首八韻傳音在器證果惟因爾祖初業厥孫聿遵宿昔三尺今日千斤體有寬窄功
無舊新山聲萬歲谷響由旬聞宜覺夢扣即歸真慈周世界感及非人雕琢勝越蒙叟富仁
參議正四位下勘解由長官兼式部大輔播磨權守管原朝臣是善銘圖書頭從五位下藤
原朝臣敏行書按世稱之為三絕鐘然
不知何人始為此語

田氏家集傷左尚書學優福厚遇時頻非命傾祖亦有因欲、、、、、先朝露九重
圍每馮魏棘千年慶不謂芭蕉一束身人事嫌猜應莫恨紫衣金印九泉春言寵贈
之厚也

十七日壬寅故參議廣相贈官位事

一代要記云參議橋廣相寬平二年五月十六日卒明日贈中納言從三位

康富記云依御侍讀贈官位例寬平二年五月十七日參議正四位上橘廣相贈從三位中納言

歷代皇紀云寬平二年五月十六日參議左大辨橘廣相卒五贈中納言從三位十七日帝以穀倉院絹布給喪家

廿二日丁未東大寺別當勝皎入滅事

東大寺別當次第云傳燈大法師勝皎寬平二年三月廿三日任年七十九藤五十三同年五月廿二日入滅寺務三月

廿三日戊申令下遠江國檢損使勘定公文於所司事

西宮記云外記記云寬平二年五月廿三日戊申大納言藤良世卿聽政遠江國檢損使治部少輔藤原梶長等為申返事祇候而判官依不具不申上卿於右近陣召右少辨希宣云遠江使依不具不申返事宜使所進於辨官之勘定公文早下所司者云々

致仕大納言冬緒薨事

一代要記云大納言藤冬緒正三位彈正尹仁和三年四月十三日致仕寬平二年五月二十三日薨年九十一按公卿補任為廿五日政事要略同本書

政事要畧云致仕大納言正三位藤原朝臣冬緒元慶三年十一月叙六年正月任仁和三年

年四月致仕寬平二年五月廿三日薨

公卿補任云藤冬緒參議從三位刑部卿濱成孫豐後守從五位下豐彥三男按豐彥本書一代要記為豐仲

大同三年戊子生承和十年正月十日勘解由判官十一年正月十一日文德

式部少丞十三年正月十三日轉太丞同月補藏人二月十一日任春宮少進十四年正月

七日叙位同十二年右少辨嘉祥二年正月十三日任伊與介三年十一月廿五日春宮亮

仁壽元年七月八日兼遠江權守二年二月廿八日右少辨亮權守如元三年正月十六日

左少辨兼官如元四年正月七日從五上齊衡二年八月己亥肥後守貞觀元年十一月十

九日正五下十二月廿一日右中辨二年十一月十六日從四位下三年五月廿日太宰大

貳六年正月七日從四位上八年正月十三日彈正大弼九年正月十二日右大辨十年五

月廿六日兼勘解由長官辨如元九月廿五日兼美乃權守十一年三月又太宰大貳十二

月八日任參議太宰大貳如元以上十三年正月七日叙正四位下十六年二月廿九日兼

民部卿十七年正月十二日兼伊與權守十八年正月七日叙從三位十四日兼播磨權守

民部卿如元元慶元年十月九日任中納言卿如元三年十一月廿五日叙正三位六年正

月十日任大納言七年月日辭民部卿八年三月九日兼彈正尹仁和三年四月十三日致

仕八年寬平二年五月廿五日薨八十四○按一代要記為九十一政事要略同本書今據

也三代實錄致仕表以八十年之殘息遇一千歲之惟新月制初迫氣力不隨等句亦可以為證

續日本後紀云承和十四年正月甲辰授正六位上藤原朝臣冬緒從五位下己酉從五位

下藤原朝臣冬緒為右少辨嘉祥二年正月戊辰從五位上藤原朝臣仲統為兼伊勢守從

五位下藤原朝臣冬緒為介

文德實錄云嘉祥三年十一月戊戌清和惟仁親王為皇太子從五位下藤原朝臣冬緒為春宮

亨仁壽元年四月癸卯朔從五位下藤原朝臣冬緒為次侍從七月戊寅從五位下藤原朝

臣冬緒為遠江權守春宮亮如故二年二月乙丑廿八從五位下藤原朝臣冬緒為右少辨春宮

坊亮遠江權守如故三年正月丁未十六從五位下藤原朝臣冬緒為左少辨春宮亮遠江權守

如故齊衡元年正月壬辰授從五位下藤原朝臣冬緒從五位上二年八月己亥廿三從五位上

藤原朝臣冬緒為肥後守

三代實錄云貞觀元年十一月十九日庚午內藏頭從五位上兼行神祇大副中臣朝臣逸

志肥後守藤原朝臣冬緒並加正五位下十二月廿一日己亥正五位下行肥後守藤原朝

臣冬緒為右中辨二年十一月十六日壬辰授散位正五位下坂上大宿禰正野右中辨藤

原朝臣冬緒並從四位下三年五月廿日癸巳從四位下行右中辨藤原朝臣冬緒為太宰

大貳四年十二月廿七日辛酉右大臣正二位兼行左近衛大將藤原朝臣良相上表曰伏

奉今年四月十二日詔書曰參議已上各論時政之是非詳世俗之得失傷化害人不便於

時者節用謹度當利於國者並盡昌言以沃朕心清和勿為華飾勿有隱諱伏惟皇帝陛下德高

雲覽明並日月猶開廣詢之路遂降不諱之綸右大辨南淵朝臣年名身為進士職經內外

稍通治體既居樞要山城守紀朝臣今守所歷之州風聲必暢論之良吏自為先鳴伊豫守

豐前王才學早彰資歷淹久無他異跡足謂老成太宰大貳藤原朝臣冬緒聲名粗達器識

漸優吏幹之稱仍有可愛大和守弘宗王頗有治名多宰州縣雖有自賢之費或權法網而

談諸經國非無其才然則令件等人同上意見六年正月七日甲午授從四位下行伊豫守

豐前王太宰大貳藤原朝臣冬緒等從四位上八年正月十三日庚寅從四位上行太宰大

貳藤原朝臣冬緒為彈正大弼九年正月十二日癸丑從四位上行彈正大弼藤原朝臣冬緒

為右大辨十一年十二月八日辛卯以右大辨從四位上兼行勘解由長官美濃權守藤原

朝臣冬緒拜參議為太宰大貳十二年二月廿三日乙巳參議從四位上行太宰大貳藤原

朝臣冬緒進起請四事其一曰軍旅之儲烽燧尤切而數十年來國无機警雖有其備未知

調用若有非常何以通知今須下知管內國島試以舉烽焚燧彼此相通以備不虞若不言

其由恐驚動物意望請下知事旨依件調練其二曰比年之間公私雜人或陸或海深入遠

尋營求善馬及其歸向多者二三十少者八九正惣計過所年出關之數凡千餘疋夫機急

之備馬尤為用而无賴之輩每年搜取若有罄乏如非常何今將施禁制翻致謗譴望請下
 知豐前長門兩國四箇年間禁止出馬其三日承前之例諸國雜米各隨其本色輸納諸司
 諸所而或司全納用盡既訖或前々多致未進公途有關至有期會不得廻撥况復件司等
 監典二人勾當釐務或時有自由亦非无判置貢進之怠莫不緣此縱令一任之內殊立嚴
 制猶恐相承之官任意改更自非官符何立後法望請五使料之外庸米并雜米摠納稅庫
 每日下行若非符宜官輒以下用監當之官准法科罪其四曰穀倉院地子交易物比年之
 間令監一人勾當其事每年交易輕物輸進因茲勾當之人年初請領直稻既訖其後府司
 實其返抄而左右巧容不肯究進遂使不知意之吏招放還之煩熟尋其由理不可然凡一
 官之事官長所行縱无其人何愁不濟而更置專當還致物煩望請從停止府司一向交易
 奉進詔並從之十三年正月七日甲寅授參議從四位上行太宰大貳藤原朝臣冬緒正四
 位下十七年四月廿八日庚辰帝始讀史記參議從三位行左衛門督兼近江權守大江朝
 臣音人侍讀少內記正七位下惟良宿禰高望為都講參議民部卿正四位下兼行伊豫守
 藤原朝臣冬緒特被喚侍講席十八年正月七日乙酉授參議民部卿正四位下兼行伊豫
 守藤原朝臣冬緒從三位元慶元年六月八日丁丑參議從三位行民部卿兼播磨權守藤
 原朝臣冬緒上表請致仕不許之廿二日辛卯參議從三位行民部卿兼播磨權守藤原朝臣

冬緒重抗表伏冀陛下解臣所職與臣餘年獲命為期敢重奉表不許之十月九日丙子以
 參議從三位行民部卿兼播磨權守藤原朝臣冬緒為中納言三年十一月廿五日庚辰授
 中納言從三位兼行民部卿藤原朝臣冬緒正三位十二月四日己丑正三位行中納言兼
 民部卿藤原朝臣冬緒奏狀二事其一曰戶令云凡給口分田者男二段女減三分之一然
 則可給一段百廿步而天長給法卅步至于承和其數廿步奏聞已了有議不行此般所行
 亦當廿步今檢案內京戶之女事異外國不知桑之勞都無杵臼之役加以言其所當取
 為徵少名是口分實非身潤况亦公卿子女王侯妻妾得此尺土其有何益但畿內百姓雖
 貢賦輕於外國而徭役重於京戶今豫計口分一段百步不足支給以酬勞苦夫事實權變
 政存弛張如有守常不改恐非通方之謂伏請以京戶女口分田加給畿內男其二曰近代
 以來一年例用位祿王祿准穀十七萬餘斛又京庫未行衣服月糧必給外國其數亦多並
 是正稅用盡終行不動當今除陸奧出羽及西海道之諸國不動約計一千卅七萬餘斛就
 中緣海近國不出二三百萬而年中所用卅五六萬斛况亦有損之年摠費近國之不動凡
 厥開用至多新委絕少竊恐天下虛耗企足可待如今件田散班於人者口分為之不饒混
 入於公者國用以是可給伏請割置山城國八百町大和國一千二百町河內國八百町和
 泉國四百町攝津國八百町合四千町若獲稻若地子量其便宜以支公用詔從之八日癸

已勅令參議正四位下行左大辨兼左近衛中將近江權守源朝臣舒檢按山城國班田參議正四位下忠貞王檢按大和國正三位行中納言兼民部卿藤原朝臣冬緒檢按河內和泉兩國參議右大辨從四位上兼行肥後權守藤原朝臣山蔭檢按攝津國並身在京師遙攝其事領下國司聽其處分六年正月十日癸丑天皇御紫宸殿拜大臣已下中納言已上策命曰正三位藤原冬緒朝臣乎大納言官爾治賜六月二日癸酉大納言藤原朝臣冬緒言去正月十日詔進臣納言之職伏冀摠解所職養餘命於衡華不許八年三月九日庚午大納言正三位藤原朝臣冬緒爲兼彈正尹仁和三年四月十三日丙辰大納言正三位兼行彈正尹藤原朝臣冬緒致仕抗表曰臣冬緒言臣懸車之期既過歸華之望彌深累年抗辭伏待得謝叩重闕而未通叫層昊而无聽臣舊无耆耄之德猥居獻納之官少不如人追感燭武之器老而彌耄猶耻趙孟之談故流水不迴空起歎於川上漏箭已盡豈犯罪於夜行伏念祿俸者士之所貪求也聖明者代之所希出也臣以八十年之殘息遇一千歲之惟新方當惜此下春之景圖彼上庠之榮疲駭解駕暫徘徊於層軒之前涼鷓鴣集猶栖遲於廣廈之下而月制初迫氣力不隨心識之內邈如河山手足之間遠同楚越仰北闕而隔趨拜望東岱而催飯魂撫躬懷寶兢兢於素餐之惶揣分知飯邊々於青浦之請伏冀降油雲之澤感匪石之所務帶彤闕飯骸素里收龍章之妄寵就皮服而待終豈比樹冠都門踈傳遺

漢朝之榮貴竊慕擊壤野外逸老樂堯年之餘生无任謙々之至謹奉表以聞

政事要畧引善家異說云致仕大納言藤原冬緒服露蜂房兼吞槐子年過八十頭髮無白不斷房室寬平二年薨時年八十四

又大饗條云致仕大納言冬緒卿應昭宣公饗召至日策杖至中門端持笏進庭謝座也

法曹類林云致仕大納言冬緒卿應昭宣公召參彼家大饗所三獻之後謝座而著時人感之

百練抄云康治二年八月六日民部卿顯賴卿任位次候公卿座俊賢卿之例也前納言候本座人冬緒行平文範俊賢等也

田氏家集奉傷致仕藤御史通儒達官早懸車五百年生八十餘犯主逆鱗思報國爲朝骨鯁未營居眼前恩少蒲輪喚身後功多竹帛書此日詩成異直々々泉底付江魚

是月鑄寬平大寶錢事

拾芥抄云寬平大寶錢平二年五月二件錢自今年至延喜六年經十七年

六月大乙卯朔

十四日戌無大辨行申文事

西宮記云寬平二年六月十四日無大辨間中辨已下著例所令行又同年七月五日無大

辨申文云々

北山抄云寬平二年六月左右大辨未補之間令中辨申政職員令中辨職掌同大辨云々
十九日酉癸令解任過程限不受返抄調綱郡司事

類聚三代格云太政官符應立程限解任不受返抄貢調郡司事右得讚岐國解備謹案交
替式稱牧宰之輩就使入京或無返抄猶歸任所或稱身病益留都下自今以後若有此類
國司奪料郡司解任所積未進一令書進者然則調綱郡司無返抄者解任之科往年已立
又太政官去仁和四年七月廿三日符傳國司進解由之日若有任中調庸雜物未進者返
却解由令慎將來者爰知國司有調庸未進者拘留之責新制重存凡調庸雜物者國宰任
色徵備郡司依數受取非有奸犯可無欠失今朝章已爲國司特施新符國司何於郡領專
忘舊制但前式直稱解任不立程限若不延廻恐涉苛酷望請調綱所領調庸雜物至于見
參之月一物以上不進去年返抄者依式解任都不寬宥擬任郡司無職之徒隨未進數計
臧科罪其未進者並備償如常即解任之由科罪之法同附朝集使言上謹請官裁者左大
臣宣奉勅依請諸國准此寬平二年六月十九日按政事要略又載之

史料卷之六

史料卷之七

宇多天皇事記第四下起寬平二年七月
七月小 乙酉朔

十三日丁酉依立秋有御拜事

小野宮年中行事云寬平二年七月十三日正衣端笏而向西郊再拜稽首聞天子迎氣候
而出郊殿仍向其方恭拜也今日立秋七月節故有此拜朕雖不當其位而躬居萬機誠致
恭敬也

廿二日丙午聽左大臣融腰輿事

公卿補任云左大臣從一位源融七月廿二日聽腰輿按一代要記同之

廿八日壬子相模召合事

廿九日癸丑同拔出事

小野宮年中行事云寬平二年七月廿九日今日引見昨日相模人又拔頗有疑者令相模
陣直近衛相模如例納言已上無有一人唯式部卿親王并參議等陪從太政大臣基經令謝奏
不參之由

八月大 甲寅朔

四日丁釋奠事

田氏家集仲秋釋奠聽講周易賦從龍曾侍繡帷知有分無心服藥入仙群誤藥司未得昇天使空望連山一片雲知非自分

五日戊因幡掾管根等施入上總國庄田於興福寺事

朝野群載施入帳藻原庄壹處地四至東限清水野南限綠野西限巨堤葦原北限小竹河東西壹仟貳拾丈南北肆伯捌拾漆丈田代庄壹處在長柄郡壹處在天羽郡開田參拾餘町畠等在右庄田等副圖券公驗等書奉入如件就中藻原庄曾祖父故從四位上黑麻呂朝臣之牧也聖闢為治田也田代庄始自曾祖父至于祖父故從五位下春繼朝臣其間往々買得以為私業也先考故從四位上良尚朝臣相承管領也管根等先人生平被過庭之訓云件兩箇庄先君有命可施入興福寺云昔先君於此藻原庄寢居即遺令云病深膏育命迫且暮若有不諱葬此庄中汝生時我無慮若其後子孫非其人轉為他人之地恐令牛羊踐我墳墓須汝世即施入興福寺者仍隨遺命葬件庄中今我命祿頗叶得免飢寒須隨先君本意施入彼寺比作此念不意遷化今管根等敬隨祖考之命施入件等庄田伏願寺家下知彼庄但天羽庄奉維摩會之資用藻原庄奉諸聖眾之供給願以此功德先奉資祖考早脫漏屋遊常樂我淨之城乍渡迷風觸究竟涅槃之岸乃至七世父母皆成佛道敬白寬平二

年歲次庚戌八月五日蔭子藤原朝臣敏樹藤原朝臣基風藤原朝臣房貞藤原朝臣顯相藤原朝臣真興因幡掾藤原朝臣管根奉別當大納言卿原宜俛宜下知彼寺早令領納者同月廿日別當左少辨藤原朝臣佐世奉

十一日甲子法師聖寶任貞觀寺座主事

扶桑畧記云八月十一日甲子賜書於金剛峯寺和尚僧都真然貞觀寺座主久無其人將以誰人補充但聖寶法師練修不倦念佛、勤事之委曲何不封示哉早々以察之耳醍醐寺緣起云根本尊師寬平貳年生年五十八勅任貞觀寺座主爰遣真然僧正勅書貞觀寺座主久無其人廢務失綱欲以誰人補充但聖寶法師深守真言令補是人如何歟報示耳爰真然僧正蒙給旨以件大法師可為座主之由簡申已訖

九月大甲申朔

九日壬辰重陽宴事

政事要畧引清涼記云九日節會事大臣奉勅令置探韻左近衛次將持盛韻坏昇自東階置文臺匣內左近衛將監持探韻杯進於陣置庭中文臺匣寬平二年以盛探韻器先置於殿上次將昇殿取給右近將監之令置

西宮抄重陽節條云寬平二年巨勢文雄安倍典行雖本任放還依新格旨示下諸司前讀

岐守管原道真未放還間入京件三人式部省不載文人簿仍有勅召之
管家文章九日待宴同賦仙潭菊各分一字應製探得祉字秋菊初開秋水上黃金倒映瑤
璃裏夜來月照光明見曉後風涼香氣起桂父遊隨尚藥尋麻姑採助宮人喜賜一一束壽
千歲還愧無功天降祉

十五日戊戌令後司辨濟前司任終年調庸雜物未進事

政事要畧云太政官符七道諸國司應令後司辨濟前司任終年調庸雜物未進事右太政
官去仁和四年七月廿三日下五畿內七道諸國符俾得大宰太貳從四位上藤原朝臣保
則解狀俾貢進調庸既有程限支度國用最為大要因茲違期鹿惡等之責載在格條而或
國司頻致未進動關國用至于遷替適被放還承前之例所以知其有怠猶取解由者為後
任之吏相代辨填然而當任之務每多擁滯以往之事不違兼濟是以調庸未進逐年猥積
公家支用臨事闕乏論之政途理須變例望請國司進解由之日若有在中調庸雜物未進
者返却其解由令慎將來者左大臣宣奉勅依請者今被同宣俾奉勅格出之後順法者少
加以諸國司等申請稠疊斯即緣時俗彫弊人民難任也為政之道事尚寬賒施令之本宜
在必濟今須任終調庸未進令後任吏辨進雖未取返抄而莫致拘累但據式貢調便者物
之與帳同領入京不得先後零疊然則雖辨濟未進寔在後司而催發調物事屬當時若寄

事後人專闕乃貢者加其科責一如前符者諸國承知依宣行之符到奉行寬平二年九月

十五日按類聚三代格又載之而文省略

大法師惠眇任東大寺別當事

東大寺別當次第云傳燈大法師惠眇已寬平二年九月十五日任年六十花嚴宗本寺勝

皎死關替

二十日卯左近中將湛補藏人頭事

職事補任云藏人頭左近中將從四位下源湛寬平二年九月廿日補按又見一代要記歷代皇紀

閏九月小甲寅朔

十二日乙丑於殿上作文事

管家文章昧且求衣賦以秋夜思政何道濟民為韻依次用之限三百字已上成篇并序闕
茂之歲後九月十二日天子召見文章士十有二人於殿上有勅曰賦者古詩之流詩蓋志
之所之各獻一篇具言汝志詩云賦云一文一字不可風雲其興不可河漢其詞味且求衣
欲陳人主思政之道寒霜晚菊欲叙人臣履貞之情臣等謹奉勅旨避席議曰穆々焉燿々
焉濟々焉鏘々焉古之所謂謀于芻蕘訪于臺隸之義也臣道實南郡罷官北關通籍忝隨
大夫登高之後敢上小子狂簡之章其詞曰霜菊詩在別卷運之逾遠者淳德明之至運者涼秋垂

衣弗及昧且相求隨步驟而比蹤无爲无事願澆醜以明目雖休勿休此焉廢寢宜矣冥搜
原夫君馭黎元下從造化挾纈如與問千里於寒温凝旒不違兼萬機於晨夜神能降祉道
可高謝仰玄鑒以來祇望黃軒之往駕於是庶幾至人之无夜夢髮鬚君子之有調飢容光
正襟推赤心於微隱暗室嬰帶懷黔首於不欺業乃勤也天維顯思當其時也曉氛觸兮蕙
帳芳霜月低兮蘭燈映寒裳以禮悅其松柏有心引領於賢賤彼珠玉无脛知人則哲從諫
惟聖風雲感自四方繩墨施于庶政况復王臣眷々國老皤々戴星者不期而會臧耀者其
道自和監寐去奢則虎魄碎牀頭之枕悟言慎罰則鷄鳴絕闕下之歌義之可必事無奈何
故能嫌曳地於掖庭警朝天於馳道綺羅色薄環珮聲早次山龍而耀紫能辨緝滌分藻火
以飄揚執疑顛倒懿乎四三皇六五帝紫官高敞乃心于以知歸蒼海森茫方面於焉既濟
取諸行迹真之治世夫如是巖廊垂拱水陸輸珍國可以爲華胥之國民可以爲堯舜之民
者也按本朝文粹又載之

二十日癸參議是忠等兼任事

公卿補任云參議從三位源是忠閏九月廿日兼左衛門督參議正四位上源直閏九月廿
日兼左大辨

廿九日壬午令侍臣等賦詩事

管家文章閏九月盡燈下即事應製年有三秋秋有九月九月之有此閏閏亦盡於今宵矣
夫得而易失者時也感而難堪者情也宜矣情惜而又惜于時蘭燈屢挑桂醕頻酌近習者
侍臣五六外來者詩人兩三而已請各即事著于形言云爾謹序天惜凋年閏在秋今宵偏
感急如流霜鞭近驚衣寒冒漏箭頻飛老暗投菊爲花芳衰又愛人因道貴去猶留臣自外
重聞明朝縱戴初冬日豈勝蕭々夢裏遊

是秋僧相應奉加持御齒事

相應和尚傳云寬平二年天皇有御齒不豫事差勅使左近衛中將源令并侍中四人請和
尚應請與勅使俱下山和尚生來不乘車馬仍自坂本先勅使馳參內裏和尚步行到外記
陣欲直參入陣官稱無宣旨不入和尚忽飯却事通天聽其責在勅使遲參中將走出尋問
和尚既飯中將揚鞭駁馬如逐電追到於清和院邊及之折腰卑詞請參入於于此和尚與
中將俱徒步參內裏有別勅宿住職御曹司出入自外記陣不經幾日御齒平愈皇帝別立
一床令坐固辭不坐授以法橋之職位賜以數多度者辭退職位只給度者又配內供奉并
賜御衣和尚皆以固辭堀河左大臣諫云朝賞頻加一度不受論之政途似背皇命雖辭職
位可受內供奉領內供并御衣雖然御衣不觸身供無入寺內轉施東西兩塔四種三昧之
僧侶按又見扶桑
桑零記

元亨釋書相應傳云寬平二年秋上有齒病勅應加持應誦理趣分五更時上夢高僧八輩與應同聲相加上覺後所患之齒落而不知所在上以夢告應應奉曰五鼓誦理趣般若此經有八大菩薩即八十俱胝菩薩之上首也彼八大士擁護聖躬邪上感之久矣應歸山見經篋上有一齒急附近侍奉御齒上嘉歎曰應師非凡也授以僧官兼賜度者應受度牒而辭僧官按明匠零傳為清和天皇事

十月大癸未朔

二日甲中大僧都真然等任官事

東寺長者補任云大僧都真然十月二日任僧正通昭權律師益信十月二日轉正宣命

又云寬平二年十月二日宣命大僧都第一真然轉僧正少僧都第一祥勢轉大僧都

歷代皇紀云僧正真然真官宗元大僧都寬平二年十月二日任東寺長者

東大寺別當次第云祥勢寬平元年九月廿五日任少僧都二年十月二日任大僧都

仁和寺諸院家記云益信備後國八寬平二年十月二日轉正律師宣命

僧官補任云幽仙寬平二年十月二日任權律師按古今集目錄同之

兼輔卿集云幽仙法師乃年久しく活たうとつかうほほりて律師お成さるゝたふ足引の山のかきばしぬみおかりさふこそ峯の花ハをるらえ

十五日丁尾張守村楯進熱田緣起事

熱田宮緣起云正二位熱田太神官者以神劍為主本名天聚雲劍後改名草薙劍其祠立

於尾張國愛智郡所以者何也昔大足彦忍代別天皇立播磨稻日太郎姬為皇后生二皇

子第一曰大碓命第二曰小碓尊一日同胞雙生天皇異之則詰於碓故號其二子曰大碓

小碓也是小碓尊亦名日本武尊幼有雄畧之氣及壯容貌魁偉身長一丈力能扛鼎焉天

皇四十年秋七月癸未朔戊戌詔群卿曰朕聞東夷反逆暴神多亂國家之忽甚於倒懸命

遣誰人平其亂群臣皆未知所其薦達也於是日本武尊雄詰曰熊襲既順伏未經幾年蝦

夷逆亂討平何日矣臣雖劬勞撥理其亂天皇手持斧鉞以授日本武尊曰夫九夷之中蝦

夷為暴悍之首焉父子無別兄弟相疑各貪土壤遞以抄畧承恩易忘宿怨必報故頭營藏

矢衣中佩刀或結群黨而凌邊境或伺間隙以畧平民狼子野心未染王化加以山有邪鬼

郊有暴神惱亂人民年來尚矣今朕察汝為人及身體魁偉志力雄傑所向无前所攻必勝

寔知形雖我子實是神人此天下則汝天下也此皇位則汝位也願深謀遠慮探姦知變示

之以威懷之以德掉舌而調暴神振武以攘姦鬼日本武尊乃受斧鉞以再拜曰臣謬以孱

劣奉命東征若賴神靈之冥助假天皇之明威往臨其境示以德教猶有不服舉兵討擊重

以再拜之天皇勅吉備武彥與建稻種公服從日本武尊亦以七拳脛為膳夫冬十月壬子

朔癸丑日本武尊發路之戊午枉道奉拜伊勢大神宮啓齋王倭姬命齋王者日本武尊姑也曰今奉皇命東征逆賊傾慕恩願枉道拜辭倭姬命感其志授一神劍曰努々莫離於身又賜一御囊曰若有急卒解斯囊口日本武尊拜領劍囊行道路到尾張國安智郡時稻種公啓曰當郡水上邑有桑梓之地伏請大王稅駕息之日本武尊感其懇誠脚蹶之間側見一佳麗之娘問其姓字知稻種公之妹名宮酢媛即命稻種公聘納佳娘合香之後寵幸固厚數日淹留不忍分手既而與稻種公議定行路之事曰我就海道公向山道當會彼坂東國言辭約束各向前程日本武尊到駿河其處賊帥陽從之欺曰是地也原野蕭條目極四遠麋鹿爲群有娛遊獵日本武尊信其言入野中而覓獸賊有謀殺之意放火燒其野日本武尊忽被註誤計畧難施其所帶神劍自然抽出薙四面之草又開所持囊中有火打一枚驚喜敲火向燒而得免悉焚滅其賊黨曾無噍類故名其處曰燒津今謂益津郡訛也號其劍曰草薙亦歷相摸向上總轉入陸奧懸大鏡於船首從海路迴於葦浦橫渡玉浦稻種公適有來會纒陳山道之消息共向蝦夷之地其蝦夷賊首島津神國津神等屯竹水門欲相拒遙望大王之威勢面縛首帥共拋弓矢望拜之曰仰視君容秀於人倫威猛若神欲知姓名王對之曰吾是現人神之子也於是蝦夷等震慄歸德故免其罪因以俘其魁帥令從身也蝦夷既平自日高見國以却迴西南歷常陸至甲斐國居于酒折宮日本武尊與稻種公更議曰我就山道

公歸海道當會尾張宮酢媛之宅日本武尊自甲斐北轉歷武藏上野進入信濃還向尾張到篠城邑進食之間稻種公儻從久米八腹策駁足馳來啓曰稻種公入海亡沒日本武尊吐食不甘悲慟無已促駕還著於宮酢媛之宅日本武尊淹留之間夜中入廁廁邊有一桑樹解所帶劍掛於桑枝出廁忘劍還入寢殿到曉驚寤欲取掛桑之劍滿樹照輝光彩射人然不憚神光取劍持歸告媛以桑樹放光之狀答曰此樹舊無怪異自知劍光默然寢息其後語官酢媛曰我歸京華必迎汝身即解劍授曰寶持此劍爲我床守時近習之人大伴建日臣諫曰此不可留何者承聞前程氣吹山有暴惡神若非劍氣何除毒害日本武尊高言曰縱有彼暴神舉足蹴殺遂留劍上道到氣吹山山神化大蛇當道日本武尊不知主神化蛇謂是大蛇必暴神之使也若得殺主神其使者豈足愁乎因超蛇行數里暴風吹淫雨降山谷杳冥乃棲遑不知其所跋涉冒雨強行僅得出山脚失意如醉居山下泉側乃飲其水而覺醒故號其泉曰居醒泉自後日本武尊體中不豫欲歸尾張便移伊勢到尾津濱昔向東之歲停此濱邊而進食是時解一劍置於松下遂忘而去至今日劍猶存故歌曰遠波理爾多立爾牟向迦尾弊流遠津能佐岐在那流比登都麻都阿藝遠比登都麻都比登爾阿理勢波多知波氣麻斯遠岐奴岐勢麻斯遠比登都麻都阿藝遠逮于能褒野異常委憊仍以所俘蝦夷等獻於太神宮又遣吉備武彥奏於天皇曰臣受命天朝遠征東夷則被神恩賴皇威

而叛者伏罪荒神自調是以卷甲戢戈凱歌而歸之而天命忽至隙駒難停豈惜此身之亡
 悔不面拜復命既而過鈴鹿山病痛危迫故歌曰遠登寶能登許能辨爾和賀於岐斯都留
 岐能多知曾能多知波夜渡鈴鹿河中瀬忽隨逝水時年三十仍號其瀬曰能知瀬能知者
 也詞今改爲長瀬訛也天皇聞之寢不安食無味晝夜嗚咽喟然歎曰我子小碓王昔熊襲叛
 逆之日未及總角征伐有功又不離左右補朕不及今東夷騷擾無人征討忍愛以入賊境
 少選無不念之是以晨昏鶴望待其凱旋何禍兮何罪兮不意之間倏亡我子自今而後與
 誰人將繼朕鴻業耶即勅群卿百寮仍葬伊勢國能褒野時日本武尊化白鳥從陵墓出指
 大和國而飛去群臣等開其棺槨而視之明衣空留不見骸骨於是馳使追尋白鳥集於大
 和國琴彈原仍於其處造陵白鳥更飛至河內國志紀郡留舊市邑亦其處造陵故時人號
 是三陵曰白鳥陵然遂窆焉昇天徒葬衣冠而已但日本武尊於氣吹山所以受病者放神
 劍於身故也此神劍者素戔鳴尊於出雲國所得也昔素戔鳴尊自天降到於出雲國蕪之
 河上時聞河上有啼哭之聲故尋聲覓往有一老翁與老嫗中間置一少女而哭之素戔鳴
 尊問曰汝等何人哭泣如此耶對曰僕是國神大山祇之子也號足名槌手名槌此少女是
 吾兒也號櫛稻田媛所以哭者往時僕有八女子每年爲尾八岐大地所吞今此少女且臨
 被吞無由脫免故以悲哭素戔鳴尊勅曰若然者汝當以少女奉吾耶老翁對曰不敢肯抑

聞御名答曰我是天照太神之弟素戔雄尊也於是翁嫗即知天神謝曰左右任勅素戔鳴
 尊立化櫛稻田姬爲湯津爪櫛插於御髻乃使足名槌手名槌釀八醞酒并作假殿八間一
 面開八戶各置槽盛酒以待之至期有大蛇到頭尾各有八岐眼如赤酸醬松柏生於背上
 而蔓延於八丘八壑之間其腹皆爛壞及輟酒氣八戶分頭飲醉而睡時素戔鳴尊乃拔所
 帶十拳劍寸斬其地蕪河之水一時流血斬蛇尾之時劍刃少缺故割裂其尾視之中有一
 劍此所謂叢雲劍也素戔鳴尊曰是神劍也何敢私秘藏乎獻天照大神故彼太神齋女有
 領神劍授日本武尊而已日本武尊奄忽仙化之後宮酢媛不違平日之約獨守御床安置
 神劍光彩亞日靈驗者聞若有禱請之人則感應同於影響於是宮酢媛會集親舊相議曰
 我身衰耄昏曉難期事須未暝之前占社奉遷神劍衆議感之定其社之地有楓樹一株自
 然炎燒倒水田中光焰不銷水田尚熱仍號熱田社天命開別天皇七年戊辰新羅沙門道
 行盜此神劍將移本國竊祈入于神祠取劍裏袈裟逃去伊勢國一宿之間神劍脫袈裟還
 著本社道行更還到練禪禱請又裏袈裟逃到攝津國自難波津解纜歸國海中失度更亦
 漂著難波津乃或人託宣曰吾是熱田劍神也然被欺妖僧殆著新羅初裏七條袈裟脫出
 還社後裏九條袈裟其難解脫于時吏民驚怪東西認求道行中心作念若棄去此劍則將
 免捉搦之責乃拋棄神劍劍不離身道行術盡力窮拜手自首遂當斬刑天淳中原瀛真人

天皇朱鳥元年丙戌夏六月己巳朔戊寅天皇卜天皇御病草薙劔為崇即勅有司還置于尾張國熱田社自爾以來始置社守七員一人為長六人為別並免徭役凡奉祀劔神於此國者總緣宮酢媛與建稻種公也宮酢媛下世之後建祠崇祭之號氷上姊子天神其祠在愛智郡氷上邑以海部氏為神主海部是尾張氏別姓也稻種公者火明命十一代之孫尾張國造乎止與命之子母尾張大印岐之女真敷刀婢命也實尾張氏祖也因茲以熱田明神為尾張氏神宮酢媛及建稻種命大宮和殿神也便以尾張氏人補神主祝等職也但件神社舊依無緣起去貞觀十六年春神宮別當正六位上尾張連清稻樓古記之文問遺老之語粗加繕寫有脩緣記守從五位下藤原朝臣村椹理劇之際披閱斯文嫌締句之質畧訪通儒而筆削之庶令神明靈跡萬代長傳也即寫三通一通進公家一通贈社家一通留國衙寬平二年十月十五日

廿一日卯依初雪有御會事

管家文草十月廿一日禁中初雪應製推步四時令不違初開六出報重闌地因高霽看何易天未全寒想更非粧妓自疑顏粉落宿醒偏誤眼花飛今朝且揖如雲瑞光滅唯緣近日

三十日壬依太政大臣基經病賜度者行大赦事

一代要記云太政大臣基經寬平二年十月三十日依病賜度者三十人詔大赦天下接又見歷

代皇紀

攝關傳云寬平二年冬大臣寢疾於此天皇詔賜度者卅人又免囚徒

是月左近大將良世母卒事

公卿補任云大納言正三位藤良世左大將十月服解十二月復任

又尻付云藤良世贈太政大臣冬嗣八男母從四位上大匡王女正五位下朝平女王

十一月小 癸丑朔

十五日卯依穢停新嘗祭事

權記云長保三年十一月十八日今夜亥刻許內裏燒亡十九日左大臣道長以下被參職御曹

司被定雜事神事停止元慶七年寬平二年延喜十五年內裏有穢神事止許也廿五日新

嘗祭停止今日宴會同止但依先例取見參給祿元慶七年寬平二年延喜十五年例也

十九日辛賜勅答於太政大臣基經事

管家文草答太政大臣謝為病賜度者免罪人勅勅太政大臣雅言悉之皇天不知公病無損朕前行志冥助惟求欲令出獄門者開法網以為公處療之方入禪道者轉戒珠以為公加持之力功重報輕朕之過也謝章忽至增愧深焉又國家庶務關白於公朕自樂成業在恭已而今具叙其意固辭此職非唯退閑之謀期以消伏之術既云避害朕豈忤之雖暗前

途暫順來請不有日月乎不有山川乎所患少間視事如故勿使朕當淵水奔馳之危以無舟楫街轡之備而已嗟嗟朕之硃石朕之股肱豈圖令股肱不安和為硃石所治攝捨心而歎刻骨以傷公強加淪莫忘社稷寬平二年十一月十九日

又答太政大臣謝幸第視病勅勅來狀具之更加憂念公者朕之所託身寄命也日來有患風心乖和雖知天福善人殊恨久隔露接故尋舊典揖前王欲就公第而視寒温叙朕情以披肝膽而今言詞懇惻迴避慙順即禮也不敢違意公輔翼先帝推進朕躬自古功臣未有為比况四時調適萬姓安和天縱之才摠在公職朕欲切問近思之意非唯一朝一夕而已依請止之心往足留留而不安將遂宿志公好縱容勿重疎遠寬平二年十一月日接此知何日但本集接前勅仍姑附于此

廿三日乙置圓成寺年分度者二人事

類聚三代格云太政官符懸置圓成寺年分度者二人并許維摩最勝輪轉豎義事金剛界業一人胎藏界業一人右彼寺別當權律師法橋上人位益信奏狀稱竊以三尊正智者遣我々之爛蠅三藏聖教者填有々之夢虎是以香城折骨顯求法之誠雪嶺投身表聞偈之慶遂使出三界之樊籠蹈三身之寶位矣方今欲使顯教之業邈傳於無盡之劫秘密之宗遠扇於不朽之風望請准貞觀安祥元慶寺例賜度者二人長為年分但其所業者令一人

者專學真言之教一人者學法相花嚴律三論成實俱舍天台七宗之教常住伽藍練其宗學厥試條者三部經文義及各本宗論書文義也上件八宗課試並十條通五以上為得第每年三月試定出家授以三歸五戒令精進練行待東大寺授戒時乃令受比丘大戒又追新藥師本元興崇福海印寺等例被許維摩最勝兩會輪轉豎義但年次置於海印寺下然僧之得業具有五階其試複二業者於圓成寺真言阿闍梨為首諸宗智者以為證師嚴試文義碩學成功將進彼會豎義之後即配請去年所申當寺安居講師前件四階畢者次充傳法供講便為第五階滿畢委錄所業經論并年月日各移本寺附學生帳又以辨史置俗別當上件數事不勝丹誠伏聽天裁者正三位行中納言兼右近衛大將民部卿源朝臣能有宜奉勅宜依來奏但顯教業度者不在件限寬平二年十一月廿三日

廿六日寅以南元寺為定額寺事

扶桑畧記云十一月二十六日朗善法師申云大師立寺在天台山南趾而大師付囑朗善供養香華及二十年望以件山為定額寺永誓護國家也聞之為南元矣

廿八日辰禁藏人裝束亂猥事

侍中群要云禁制裝束亂猥事右供奉殿上可尊儀嚴而晝時著夜裝束亂髻藝服宜加禁過勿令復然若有犯者從追却寬平二年十一月廿八日

廿九日辛巳左近權中將時平叙從三位事

一代要記云藏人頭藤時平從四位下左中將寬平二年正月從四位上同十一月二十九

日從三位按歷代皇紀為廿七日尊卑分脈為廿八日大鏡裏書古今集目錄為三年十一月廿八日公卿補任職事補任同本書

公卿補任云藤時平仁和三年二月十七日任右近權中將寬平元年五年正月十六日兼讚岐權守

寬平二年正月七日叙從四位上十一月廿九日叙從三位按三代實錄右近作左近可從

十二月小壬午朔按長曆以是月為大以明年正月為小今據西宮記西宮抄扶桑略記公卿補任等推以改之

二日癸未始置仁和寺別當事

釋家初例抄云仁和寺別當始律師幽仙寬平二年十二月二日任

四日乙酉令修補崇福寺寶幢事

管家文章崇福寺綵錦寶幢記勅近江崇福寺者天智天皇之創建也達師感應得地因緣誓念至心稱成細目辛未之年勅旨詳矣資財之內有一寶幢裁製飄揚誠足隨喜朕風聞幣破露臆憂思出自山中對之增歎夫功德以信力為宗不以華飾為本以修舊為得不以立新為勝況乎本願天皇朕之遠祖大廟也予未小子何不祇承是故依手澤發心機錦章已斷者弃其故而用其新華藻猶存者補其闕以加其固蓋謂天皇長短之謀守天皇丹青之信也於是塵埃拂去絲縷宛然寶蓋高張雲影欲破而更聳綵幡斜曳虹輝可消而再晴

凡厥見聞大眾誰不發善提心仰願當來導師彌勒慈尊登遐聖靈天智天皇悉知悉見證

成證明朕是慈尊之在家弟子朕亦聖靈之遺跡末孫愚也癡也可慙可愧非賴慈尊擁護

何以安濟衆生非蒙聖靈福祚何以保安天下願垂聽許滿足所求寬平二年歲次庚戌十

二月四日散位正五位下管原奉勅記按本朝文粹又載之

六日丁亥中務大輔十世王任宮內卿事

公卿補任云十世王仁和元年正月十六日任中務大輔同三年二月二日兼加賀權守寬

平二年正月七日叙從四位上十二月六日任宮內卿

十四日乙未太政大臣基經上表事

公卿補任云關白太政大臣從一位藤基經十二月十四日依病上表辭職有勅關白事暫

依申請停之病若有間視事如故按管家文章有十一月十九日勅答據是此表宜在前月然攝關傳尊卑分脈歷代皇紀亦為此月始存疑繫于此

歷代皇紀云十月公寢十二月十四日上表辭職

尊卑分脈云寬平元二十太政大臣上表按二十下疑脫四字

十七日戊戌維城親王改御諱事

皇代畧記云醍醐天皇寬平元年十二月廿八日為親王二年十二月十七日改御名字維

城為敦仁按皇代記為十一月日本紀畧大鏡裏書同本書

廿三日甲辰置仁和寺年分度者一人事

我慢抄云太政官符應置仁和寺年分度者二人事毗盧遮那業一人摩訶止觀業一人並可兼學法花經一部八卷金光明經一部四卷右彼寺別當權律師法橋上人位幽仙奏狀稱幽仙謹緣勅命勾當寺家而建立年澄止住人乏何況伽藍在山陵內諸人出來不必自在夫以法不自弘弘之在人人不孤立立之緣法法人兩存乃得興隆凡伽藍者翻眾園是則所以大眾共住修學佛法者矣如今聖主陛下近為莊嚴山陵遠為興隆佛法建立精舍於山陵奉迴向白業於聖靈迴向之志既期万劫紹隆之誠豈限一代謹檢代々御願例皆有年分度者幽仙昔就師緣久住叡山頗以稟學真言止觀等雖未探其深奧而恒致歸命之誠且夫大日經者真言根源秘藏之至極也其止觀者禪門玄樞愚藏之明鏡也安鎮國家之基興隆正教之設莫如此二法望請天裁建斯兩宗於件御願寺每年試練當先帝登遐之日八廿六授沙彌戒得度之後於天台戒壇受大乘戒之後還住本寺費則令轉讀金光明經妙法花經專以誓願聖主寶祚夜則念持彌陀真言等一向奉迴向先帝聖魂件年分僧等中若有才學優長者預延曆寺階業同以一向大乘鎮護國家同以菩薩戒力福利群生謹錄事狀伏聽天裁者正三位行中納言兼右近衛大將民部卿源朝臣能有宜奉勅宜依來奏寬平二年十二月廿三日按類聚三代格為十一月然幽仙未補別當仍今從本書

廿六日丁未天台座主圓珍奏補寫一切經事

扶桑畧記云十二月二十六日丁未太政大臣基經請天台座主圓珍令修法也及今朝還向本寺爰朕請引彼法師奏曰天台最澄前阿闍梨所寫一切經未按正也於是大比叡小比叡明神等現可按之事已及數度又圓珍所給十禪師供養料甚多所成之功尤少須轉讀此經奉祈聖主復前太政大臣基房於彼山令寫一切經開元錄所有四千餘卷雖求書之頗尚不足昔日圓珍唐來之日揚州人相隨來著此土厥後還土國人往送筆圓珍尋量其由有所懷今我國所書經二千卷也開元貞元等目錄所來四千餘卷也爰為求加其卷數差從僧令向彼天台山即便書件經可送之狀囑送彼揚州人所彼人信其言送五十卷歡喜贈沙金以答其意頗有如是之類可寫足其卷數圓珍自病殊重不便起居下出山脚問求醫家云々朕聞歡喜信受爰朕極頑鈍不得万人之心而從昔日歸依佛陀波梨必請念願已上御記

天台座主始任僧都事

天台座主記云第五圓珍和尚寬平二年十二月廿六日任少僧都依寺家大眾奏狀天台

座主僧都之始也按又見扶桑略記

釋家官班記云少僧都圓珍諡號智證大師寬平二年二月廿七日任于時座主○按二月廿七日任月上宜補十字

圓珍和尚傳云寬平二年冬寺僧大小相率上表曰延曆寺僧叡換等謹言聖師希遇誰舉

瞻荷之芳真理難聞焉嘗醍醐之味禪徒之志懇切在茲座主法眼和尚位圓珍得道樹之英瀉佛瓶之水精進覺路脂不退之輪率勵法軍竭無畏之誠况復航疊浪而問道反孤岫而傳業持如來之心印授菩薩之警珠領灌頂壇二十有年化木又眾千萬餘人既而寒嶠年深草庵老至六時修行一念回向莫不致冥護於金輪獻潛衛於絳闕伏惟陛下政鑒法鏡化照世燈轉天日而助堯曦流甘露而添聖澤遂令優命溢於開戶寵光映於松扉爲國爲道帝念深矣然而法眼之名稍似散職座主之號唯施一山若不總法務之要領握道統之紀綱則增慢之徒何以降伏叙操等唱山神以凝誠聚涓心而同慮推舉閣梨望爲僧正伏願早聽卷纒慧眼寒旒天光曲降照大眾之中襟雲渙忽施灌滿山之渴乏不任精誠之至拜表以聞時太政大臣越前公且加推薦即爲少僧都和尙語諸僧云今日推獎極非素懷但上懼違聖主之恩施下憚乖大眾之篤志故旬月之間暫叨此號須大眾早奉賀表然後貧道抗辭退之詞而已

是年齋宮元子女王入野宮事

和漢合運云寬平二年伊勢齋王行禊於鴨河入野宮

令左大辨廣相作藏人式事

侍中群叟云藏人式寬平二年左大辨廣相奉勅作之云凡藏人之爲禮也內則忝陪近習外亦召仰諸司

職掌之尊誠可嚴重朕虛眇之性愚而又愚寢食之間日慎一日藏人等須叙位除目聞奏議政之場適所聞得無是非慎勿外漏焉翫月賞花調曲吟詩之席乘興扶醉何無戲謔慎勿傳語焉殿上非違喧嘩盪惡隨聞必加糾彈慎勿隱忍焉奉傳勅旨下知百官若有違道必可忠諫慎勿默止焉召仰諸司之後不迴時刻即可覆奏其召仰狀當番日記事無大小慎勿遺脫焉臨時雜役應召如響慎勿遲留焉所中舊事尋問蹤迹一々興行慎勿疎畧焉所中雜物分別色目明々充用慎勿違誤焉絕布紙墨等之類充公用之餘依例任用汝曹敬之戒之勿疎勿輕又諸聽昇殿者可知此意矣朕爲汝曹不敢隱情今之所叙慙不中道汝曹秘於內而勿施於外存於意而勿出於言若出言施外令知之非唯汝曹之不密斯乃朕之大過也按廣相五月十六日奉勅之日未詳

置三井寺二會立義事

濫觴抄云園城寺二會立義字多四年庚戌寬平二年始置之按扶桑略記天台座主記又載之

十禪師昇嚴建知足院事

東大寺別當次第云寬平二年昇嚴十禪師始建知足院

無動寺相應建法宿菩薩寶殿事

相應和尚傳云寬平二年法宿大菩薩託宣云如小比叡寶殿爲我可造審殿不經幾日造立

僧清源等造竹生島中門磴橋事

竹生島緣起云寬平二年庚戌天台僧清源道慶理智等並行此島辨才天化人之聞傳世則造中門及磴橋等云々

珍皇寺燒亡事

東寺文書珍皇寺司解狀云珍皇寺者大寶以往山城淡海爲鎮護國家利益黎民所草創也隨爲東寺之末寺序久積經四百餘歲而去寬平二年又天德四年堂塔僧房并寶藏等燒亡云々全文在延久三年十月

史料卷之七

價金四十五錢

